

四庫全書

子部

欽定四庫全書

子部
荀子卷十一

詳校官侍讀學士臣沈德熙

編修臣程嘉謨覆勘

覆校官中書臣呂雲棟

校對官中書臣袁文邵

膳錄舉人臣黃偉

膳錄監生臣康傑

欽定四庫全書

荀子卷十

唐楊倞註

議兵篇第十五

臨武君與孫卿子議兵於趙孝成王前

臨武君蓋楚將未知姓名戰國

策曰天下合從趙使魏加見楚春中君曰君有將乎春申君曰有矣僕欲將臨武君魏加曰臣少之時好射臣願以射譬可乎春申君曰可魏加曰異日者更羸與王處京臺之下更羸曰臣能為王引弓虛發而下鳥有間鳴鴈從東方來更羸以虛發而下之王曰射之精乃至於此乎更羸曰此孽也王曰先生何以知之對曰其飛徐者其創痛也其鳴悲者久失羣也故羣創未息而鴈心未去聞弦音烈而高飛故云也今臨武君嘗為秦孽

不可以為距秦之將趙孝成王晉大夫趙夙之後簡子
十世孫或曰劉向叙云孫卿至趙與孫臏議兵趙孝成
王前臨武君即孫臏也今案史記年表齊宣王二年孫
臏為軍師則敗魏於馬陵至趙孝成王元年己七十餘
年年代相遠疑臨武君非此孫臏也王曰請問兵要臨武君對曰上得天

時

若順太歲及孤虛之類也

下得地利

若石背山陵前左水澤之比也

觀敵之變動

後之發先之至此用兵之要術也孫卿子曰不然臣所
聞古之道凡用兵攻戰之本在乎一民弓矢不調則羿
不能以中微六馬不和則造父不能以致遠士民不親
附則湯武不能以必勝也故善附民者是乃善用兵者

也故兵要在乎善附民而已臨武君曰不然兵之所貴

者勢利也

乘勢爭利

所行者變詐也

奇計也

善用兵者感忽悠

闇莫知其所從出

感忽悠闇皆謂倏忽之間也感忽恍忽也悠闇遠視分辨之貌莫知所從

出謂若九天之上九地之下使敵人不測魯連子曰奔感忽之恥累世之功也孫吳用之無敵

於天下豈必待附民哉

孫謂吳王闔閭將孫武吳謂魏武侯將吳起也

孫卿子

曰不然臣之所道仁人之兵王者之志也

帝王之志意如此也

君

之所貴權謀勢利也所行攻奪變詐者諸侯之事也仁

人之兵不可詐也彼可詐者怠慢者也路亶者也

路暴露也

讀為袒露袒謂上下不相覆蓋新序作落單

君臣上下之間滑然有離德也

滑亂也音骨言彼可欺詐者皆如此之國

故以桀詐桀猶巧拙有幸焉以桀

詐堯譬之若以卵投石以指撓沸

撓攪也必爛也新序作以指

繞

沸若赴水火入焉焦沒耳故仁人上下

說仁人上下相愛之意

百

將一心三軍同力臣之於君也下之於上也若子之事

父弟之事兄若手臂之扞頭目而覆胃腹也詐而襲之

與先驚而後擊之一也

先擊頭目使知之而後擊之豈手臂有不救也

且仁人

之用十里之國則將有百里之聽

聽猶耳目也言遠人自為其耳目或曰謂

者間謀

用百里之國則將有千里之聽用千里之國則將

有四海之聽必將聰明警戒和傳而一

耳目明而警戒相傳以和無有

二心也或以傳為博博衆也而一如一也言和衆如一也

故仁人之兵聚則成卒散

則成列

卒卒伍列行列言動皆有備也

延則若莫耶之長刃嬰之者斷

允則若莫耶之利鋒當之者潰

允猶聚也與隊同謂聚之使短潰壞散也新序

作銳則若莫耶之利鋒也

園居而方正則若盤石然觸之者角摧

園居

方正謂不動時也則如大石之不可移動也

案角鹿埤隴種東籠而退耳

其義

未詳蓋皆摧敗披靡之貌或曰鹿埤下之貌如禾實垂下然埤丁果反隴種遺失貌如隴之種物然或曰即鍾

也東籠與凍籠同沾濕說如衣服之沾濕然新序作龍鍾而退無鹿埵字且夫暴國之君將

誰與至哉彼其所與至者必其民也而其民之親我歡

若父母其好我芬若椒蘭彼反顧其上則若灼黥如畏灼黥

若仇讎人之情雖桀跖豈又肯為其所惡賊其所好者

哉是猶使人之子孫自賊其父母也彼必將來告之夫

又何可詐也不可得詐襲也故仁人用國日明日益明察諸侯先順

者安後順者危慮敵之者削反之者亡謀慮與之為敵者土地必見侵

削反謂不服從也詩曰武王載發有虔秉鉞如火烈烈則莫我

敢遏此之謂也

詩殷頌武王湯也發讀為旆虔敬遏止也湯建旆興師本由仁義雖用武持鉞

而猶以敬為先故得如火之盛無能止之也

孝成王臨武君曰善請問王者

之兵設何道何行而可

設謂制置道謂論說教令也行動用也

孫卿子曰

凡在大王將率末事也臣請遂道王者諸侯彊弱存亡

之效安危之勢

率與帥同所類及道說也效驗也孝成王見荀卿論兵謂王者以兵為急故遂

問用兵之術荀卿欲陳王道因不答其問故言凡在大王之所務將帥乃其末事耳所急教化也遂廣說湯武

五霸及戰國諸侯之事也

君賢者其國治君不能者其國亂隆禮貴

義者其國治簡禮賤義者其國亂治者彊亂者弱是彊

弱之本也上足印則下可用也上不足印則下不可用

也

印古印字不印不足印也下託上曰印宜向反能教且化長養之是足印

下可用則彊下

不可用則弱是彊弱之常也隆禮效功上也重祿貴節

次也上功賤節下也是彊弱之凡也

效驗也功戰功也效功謂不使賞僭

也重祿重難其祿不使素餐也節忠義也若能隆禮驗功則彊上戰功輕忠義則弱大凡如此也

好士

者彊不好士者弱

士賢士也

愛民者彊不愛民者弱政令信

者彊政令不信者弱

信謂使下可信

民齊者彊不齊者弱

齊謂同力

賞重者彊賞輕者弱

重難其實使必實有功則彊輕易其實則弱也

刑威者彊

刑侮者弱

刑當罪使民可畏則彊不當罪則人侮侵故弱也

械用兵革攻完便

利者彊

攻當為功精好加功者也器械牢固便利於用則彊也

械用兵革窳櫟不

便利者弱

窳櫟器疾也音瘦櫟濫惡謂不堅固也

重用兵者彊輕用兵者弱

重難用兵者彊

權出一者彊權出二者弱

政多門則弱

是彊弱之常

也齊人隆技擊

技技力也齊人以勇力擊斬敵者號為技擊孟康曰兵家之技巧技巧者習手

足便器械積機闕以立攻守之勝者

其技也得一首者賜贖金無本賞

矣

八兩曰鎰本賞謂有功同受賞也其技擊之術斬得一首則官賜鎰金贖之斬首雖戰敗亦賞不斬首雖

勝亦不賞是無本賞也

是事小敵毳則偷可用也

可偷竊用之也毳讀為脆史記

聶政謂嚴仲子曰屠可以旦夕得甘脫以養親也

事大敵堅則渙焉離耳

易說卦曰

渙者離也若飛鳥然傾側反覆無日

若飛鳥言無憑依而易也無日言傾側反覆之

速不得一日也是亡國之兵也兵莫弱是矣是其出債市傭而

戰之幾矣

此與債市中傭作之人而使之戰相去幾何也

魏氏之武卒以度取

之

武卒選擇武勇之卒號為武卒度取之謂取其長短材力中度者

衣三屬之甲

如淳曰上

身一解揮一脰繳一凡三屬也衣於氣反屬之欲反操十二石之弩負服矢五十

箇置戈其上

置戈於身之上謂荷戈也

冠鞬帶劔

鞬與胄同漢書作胄帶劔顏師古曰

著兜牟而又帶劔也羸三日之糧日中而趨百里

羸負擔也日中一日之中也

中試則復其戶利其田宅

復其戶不徭役也利其田宅不征衆也顏師古曰利謂給

其便利之處中丁仲反復方目反

是數年而衰而未可奪也改造則不

易周也

此中試者筋力數年而衰亦未可遽奪其優奪其優復使皆怨也改造更選擇也則又如前

是故地雖大其稅必寡是危國之兵也

優復既多則稅寡資用貧乏故

秦人其生民也狹隘其使民也酷烈

生民所生之民狹隘謂秦地險

固也酷烈嚴刑罰也地險固則寇不能害嚴刑罰則人皆致死也

劫之以勢

謂以威勢劫迫之使

戰隱之以阨

謂隱蔽以險阨使敵不能害鄭氏曰秦地多阨隱藏其民於阨中也

怵之以

慶賞

怵與扭同串習也戰勝則與之賞慶使習以爲常怵女九反

鯨之以刑罰

鯨藉也

勝則以刑罰陵藉之莊子風謂蛇曰鱗我皆秋或作蹈七由反使天下之民所以要利

於上者非鬪無由也阨而用之得而後功之

守險阨而用之既得

勝乃賞其功所以人自為戰而立功者衆也

功賞相長也五甲首而隸五家

有功而賞之使相長獲得五甲首則役隸鄉里之五家也

是最為衆彊長久多地以

正故四世有勝非幸也數也

為之有根本不邀一時之利故能衆彊長久也不復

其戶利其田宅故多地也以正言比齊魏之苟且為正言秦亦非天幸有術數然也四世孝公惠王武王昭王也

故齊之技擊不可以遇魏氏之武卒魏氏之武卒不

可以遇秦之銳士秦之銳士不可以當桓文之節制桓

文之節制不可以敵湯武之仁義有遇之者若以焦熬

投石焉

以魏遇秦猶以焦熬之物投石也熬五刀反

兼是數國者皆干賞蹈

利之兵也傭徒鬻賣之道也未有貴上安制綦節之理

也

干求也言秦魏雖足以相勝皆求賞蹈利之兵與傭徒之人鬻賣其力作無異未有愛貴其上為之致死

安於制度自不踰越極於中義心不為非之理者也諸侯有能微妙之以節則作

而兼殆之耳

微妙精盡也節仁義也作起也殆危也諸侯有能精盡仁義則起而無危也兼此數

國謂禽

故招近募選隆勢詐尚功利是漸之也

近當為延傳寫

誤耳招延謂引致之也募選謂以財召之而選擇可者此論齊之技擊也隆勢詐謂以威勢變詐為尚此論秦

也尚功利謂有功則利其田宅論魏也漸進也言漸進而近於法未為理也或曰漸浸漬也謂其賞罰纔可漸染於外中心未

悅服漸于廉反

禮義教化是齊之也

服其心是齊一人之術也

故以

詐遇詐猶有巧拙焉

猶齊之技擊不可以當魏之武卒也

以詐遇齊辟之

猶以錐刀墮太山也

辟音警墮毀也雖許唯反

非天下之愚人莫敢

試故王者之兵不試

一舉而定不必試也

湯武之誅桀紂也拱揖

指麾而彊暴之國莫不趨使

誅其元惡其餘獷悍皆化而來臣役也

誅桀

紂若誅獨夫故泰誓曰獨夫紂此之謂也故兵大齊則

制天下小齊則治隣敵

以禮義教化大齊之謂湯武也小齊謂未能大簡若五霸者也

治隣敵言隣敵
受其治化耳

若夫招近募選隆勢詐尚功利之兵則

勝不勝無常代俞代張代存代亡相為雌雄耳矣

俞故也代

俞代張代存代亡
猶言代強代弱也

夫是之謂盜兵君子不由也

由用也
以詐力

相勝是盜
賊之兵

故齊之田單楚之莊蹻秦之衛鞅燕之繆蟻

是皆世俗之所謂善用兵者

田單齊襄王臣安平君也
史記莊蹻者楚莊王苗裔

楚威王使為將將兵循江而上略蜀黔中以西蹻至滇
池方三百里地肥饒數千里以兵滅定屬楚欲歸報會
秦擊奪楚已黔中郡道塞不通因還以其衆至滇變服
從其俗焉衛鞅秦孝公臣封為商君者也繆蟻未聞焉

是其巧拙彊弱則未有以相若也若其道一也

相若相
似也雖

術不同皆出於變詐故曰其道一也

未及和齊也

數子之術未能及於和齊人心也

倚契

司詐權謀傾覆未免盜兵也

契讀為挈持也倚挈猶言持撫也司讀為伺詐欺誑

也皆謂因其危弱即掩襲之也

齊桓晉文楚莊吳闔閭越勾踐是皆和

齊之兵也可謂入其域矣

入禮義教化之域孟康曰入王兵之域也

然而未

有本統也

本統謂前行素修若湯武也

故可以霸而不可以王是彊

弱之效也

湯武王而桓文霸齊魏則代存代亡是其效也

孝成王臨武君曰善

請問為將孫卿子曰知莫大乎棄疑

不用疑謀是智之大

行莫大

乎無過事莫大乎無悔至無悔而止矣成不可必也

不可

必不得必謂成功忘其警備莊子曰聖人以
必不必故謂兵衆人以不必必之故多兵 故制號政

令欲嚴以威慶賞刑罰欲必以信處舍收藏欲周以固

處舍營壘也收藏財物也周
密牢固則敵不敢凌奪矣 徙舉進退欲安以重欲疾

以速 靜則安重而不為輕舉
動則疾速而不失機權 窺敵觀變欲潛以深欲伍

以參 謂使間諜觀敵欲潛隱深入之也伍參猶錯雜也
使間諜或參之或伍之於敵之間而盡知其事韓

子曰省同異之言以知朋黨之分偶參伍之驗以
責陳言之實又曰參之以此物伍之以合參也 遇敵

決戰必道吾所明無道吾所疑 道言也 夫是之謂六術

自制號政令
已下有六也 無欲將而惡廢無急勝而亡敗無威內而

輕外無見其利而不顧其害

強使人出戰而輕敵

凡慮事欲熟而

用財欲泰

熟謂精審泰謂不怯實也

夫是之謂五權

五者為將之機權也

所以

不受命於主有三可殺而不可使處不完可殺而不可

使擊不勝可殺而不可使欺百姓夫是之謂三至

至謂一守

而不

凡受命於主而行三軍三軍既定百官得序羣物

皆正

百官軍之百吏得序各當其任

則主不能喜敵不能怒

不苟徇上意故主不

能喜不為變詐故敵不能怒也

夫是之謂至臣

為臣之至當也

慮必先事而申

之以敬

謀慮必在事先重之以敬常戒懼而有備也

慎終如始終始如一夫

是之謂大吉

言必無覆敗之禍也

凡百事之成也必在敬之其敗

也必在慢之故敬勝怠則吉怠勝敬則滅計勝欲則從

欲勝計則凶戰如守

不務越逐也書曰不愆于五步六步乃止齊馬

行如戰有

功如幸

不務驕矜

敬謀無壙

無壙言不敢須臾不敬也壙與曠同

敬事無壙敬

吏無壙敬衆無壙敬敵無壙夫是之謂五無壙慎行此

六術五權三至而處之以恭敬無壙夫是之謂天下之

將則通於神明矣

天下莫及之將

臨武君曰善請問王者之軍

制孫卿子曰將死鼓

死謂不棄之而奔亡也左傳曰師之耳目在吾旗鼓

馭死轡

百吏死職士大夫死行列聞鼓聲而進聞金聲而退順

命為上有功次之

軍之所重在順命故有功次之

令不進而進猶令不

退而退也其罪惟均

令教令也言使之不進而進猶令不退而退其罪同也

不殺

老弱不獵禾稼

獵與踐同踐也

服者不禽格者不赦犇命者不

獲

服謂不戰而退者不追禽之格謂相距捍者奔命凡謂奔走來歸其命者不獲之為囚俘也犇與奔同

誅非誅其百姓也誅其亂百姓者也百姓有捍其賊則

是亦賊也

捍其賊謂為賊之捍蔽也

以故順刃者生蘇刃者死犇命

者貢

順刃謂不戰背之而走者蘇讀為僚僚向也謂相向格鬪者貢謂取歸命者獻於上將也

微子

開封於宗

紂之庶兄名啓歸周後封於宗此云開者蓋漢景帝諱劉向改之也

曹觸龍斷

於軍

說苑曰桀貴為天子富有四海其臣有左師觸龍者諂諛不正此云紂臣當是說先誤戰國策趙左

師觸龍說太后請長安君質秦豈復與古人同官名乎

殷之服民所以養生之者

也無異周人故近者誦謳而樂之遠者竭蹶而趨之

蹶竭

顛仆猶言匍匐也新序作竭走而趨之

無幽間辟陋之國莫不趨使而安

樂之四海之內若一家通達之屬莫不從服夫是之謂

人師

師長

詩曰自西自東自南自北無思不服此之謂也

詩大雅文王有聲之篇

王者有誅而無戰城守不攻兵格不擊

德義

未加所以敵人不服故不攻

上下相喜則慶之

敵人上下相愛

擊也且恐傷我之士卒也

不屠城

屠謂毀其城殺其民若屠者然也

不潛軍不留衆

悅則慶賀之

豈尚侵伐乎

師不越時

古者行役不踰時也

故亂者樂其政不安其

上欲其至也

東征西怨之比

臨武君曰善陳囂問孫卿子曰先

生議兵常以仁義為本

陳囂荀卿弟子言先生之議常言兵以仁義為本

仁者

愛人義者循理然則又何以兵為

愛人則懼其殺傷循理則不欲爭奪焉肯

抗兵相加乎

凡所為有兵者為爭奪也

非謂愛人循理

孫卿子曰非

女所知也彼仁者愛人愛人故惡人之害之也義者循

理循理故惡人之亂之也彼兵者所以禁暴除害也非

爭奪也故仁人之兵所存者神所過者化

所存止之處畏之如神所

過往之國無不從化

若時雨之降莫不說喜是以堯伐驩兜

伐亦誅也

書曰放驩兜于崇山也

舜伐有苗

命禹伐之書曰帝曰咨禹惟時有苗弗率汝徂征之

禹伐

共工

書曰流共工于幽州皆堯之事此云禹伐共工未詳也

湯伐有夏文王伐崇

武王伐紂此二帝四王

夏殷或稱王或稱帝曲禮曰措之廟立之主曰帝四王謂夏殷

也至周自貶損全稱王故以文武為兩王也

皆以仁義之兵行於天下也故

近者親其善遠方慕其德兵不血刃遠邇來服德盛於

此施及四極詩曰淑人君子其儀不忒此之謂也

曹風鳴鵒

之李斯問孫卿子曰

李斯孫卿弟子後為秦相

秦四世有勝兵彊海

內威行諸侯非以仁義為之也以便從事而已

便其所從之事

而已謂若劫之以勢隱之以刑也

阮祖孫卿子曰非女所知

也女所謂便者不便之便也

汝以不便人為便之也

吾所謂仁義

者大便之便也

吾以大使人為便也

彼仁義者所以修政者也政

修則民親其上樂其君而輕為之死故曰凡在於軍將

率末事也

荀卿前對趙孝成王有此語弟子所知故引以答之也

秦四世有勝認

認然常恐天下之一合而軋已也

漢書認作鯁蘇林曰讀如慎而無禮則蕙

之蕙鯁懼貌也先禮反張晏曰軋踐轢之也

此所謂末世之兵未有本統也

本統前行素修

故湯之放桀也非其逐之鳴條之時也武王之

誅紂也非以甲子之朝而後勝之也皆前行素修也此

所謂仁義之兵也

前行素修謂前已行之素已修之行讀如字

今女不求之

於本而索之於末此世之所以亂也

本謂仁義末謂變詐世所以亂亦由

不求於本而索於末如李斯之說也

禮者治辯之極也彊國之本也威行

之道也功名之摠也

辯別也摠要也彊國謂彊其國也

王公由之所以

得天下也不由所以隕社稷也故堅甲利兵不足以為

勝高城深池不足以為固嚴令繁刑不足以為威由其

道則行不由其道則廢

由用也道即禮也用禮即行不用禮雖堅甲嚴刑皆不足恃也

楚人鮫革犀兕以為甲鞬如金石

鞬堅貌以鮫魚皮及犀兕為甲堅如金石

之不可入史記作堅如金石鞬古洽反管子曰制重罪人以兵甲犀脇二戰輕罪入蘭盾鞬革二戰犀兕堅如

金石之狀也

宛鉅鐵鉞慘如蠶蠶

宛地名屬南陽徐廣曰大鉞曰鉞鉞與鉞同矛也方

言云自闕而西謂之矛吳揚之間謂之鉞言宛地出輕此則鐵為矛慘如蜂蠶言其中人之慘毒也鉞音雪輕

利僇遨卒如飄風

言楚人之捷也僇亦輕也匹妙反或當為嫖姚之嫖嫖驍勇也遨與速

同然而兵殆於垂沙唐箋死

殆謂危亡也垂沙地名未詳所在漢地志沛國有垂

鄉豈垂沙乎史記楚懷王二十八年秦與齊韓魏共攻楚殺楚將唐昧取我重丘而去昧與幾同

莊蹻

起楚分而為三四

司馬貞史記素隱曰莊蹻楚將言其起為亂後楚遂分為四韓子曰楚王

欲伐越莊子曰臣患目能見百步而不見睫王之兵敗於齊晉莊蹻為盜境內吏不能禁而欲伐越此智之如目也蹻初為盜後為楚將是豈無堅甲利兵也哉其所以統之者非

其道故也汝潁以為險江漢以為池限之以鄧林緣之

以方城

鄧林北界鄧地之山林緣繞也方城楚北界山名也

然而秦師至而鄢郢

舉若振槁然

舉謂舉而取之鄢郢楚都振擊也槁枯葉也謂白起伐楚一戰舉鄢郢也

是豈

無固塞隘阻也哉其所以統之者非其道故也紂剗比

干囚箕子為炮烙刑

列女傳曰炮烙為膏銅柱加之炭上令有罪者行焉輒墜火中紂與

妲己大笑
烙古責反

殺戮無時臣下凜然莫必其命

凜然悚慄之貌莫身謂必

全其命也

然而周師至而令不行乎下不能用其民是豈令

不嚴刑不繁也哉其所以統之者非其道故也古之兵

戈矛弓矢而已矣然而敵國不待試而誅

試用也
誅服也

城郭

不辨

辨治也
或音辦

溝池不柑

柑古掘字史記作城郭不集溝池不掘也文子曰無伐樹木無

鉗墳墓鉗亦音掘或曰柑當作相篆文相字與柑字相近遂誤耳

固塞不樹機變不張

固塞謂使邊竟險固若今之邊城也樹立
也塞先代反機變謂器械變動攻敵也然而國晏然

不畏外而明內者無故焉
內當為固史記作晏然不畏外而固也明道而

分鈞之時使而誠愛之下之和上也如影響
和胡卧反有不

由令者然後誅之以刑故刑一人而天下服罪人不尤

其上知罪之在已也是故刑罰省而威流
尤怨也流行也言通流也

無他故焉由其道故也古者帝堯之治天下也蓋殺一

人刑二人而天下治
殺一人謂殛鯀于羽山刑二人謂流共工于幽州放驩兜于崇山

傳曰威厲而不試刑措而不用此之謂也
厲謂抗舉使人畏之凡

人之動也為賞慶為之則見害傷焉止矣故賞慶刑罰
勢詐不足以盡人之力致人之死為人主上者也其所
以接下之百姓者無禮義忠信焉慮率用賞慶刑罰勢

詐除扼其下獲其功用而已矣

馬慮無慮猶言大凡也除謂驅逐阨謂迫威若

秦劫之以勢隱之以扼狃之以慶賞之類阨或為險

大寇則至使之持危城則必

畔遇敵處戰則必北

北敗走也北者乖背之名故以敗走為北也

勞苦煩辱

則必犇

犇與奔同

霍馬離耳下反制其上

霍馬猶渙馬也離散之後則上下易

位若秦項然

故賞慶刑罰勢詐之為道者傭徒鬻賣之道也

不足以合大衆美國家故古之人羞而不道也故厚德

音以先之明禮義以道之致忠信以愛之賞賢使能以

次之爵服慶賞以申之時其事輕其任

事作業
任力役

以調齊

之長養之如保赤子政令以定風俗以一有離俗不順

其上則百姓莫不敦惡莫不毒孽若被不祥

敦厚也毒
害也孽謂

妖孽被
除之也

然後刑於是起矣是大刑之所加也辱孰大焉

將以為利耶則大刑加焉身苟不狂惑戇陋誰睹是而
不改也哉然後百姓曉然皆知修上之法像上之志而

安樂之於是有能化善修身正行積禮義尊道德

於是像之

中更有能自修德者

百姓莫不貴敬莫不親譽然後賞於是起矣

是高爵豐祿之所加也榮孰大焉將以為害耶則高爵

豐祿以持養之

持此以養之

生民之屬孰不願也雕雕焉縣

貴爵重賞於其前

雕雕章明之貌

縣明刑大辱於其後雖欲無

化能乎哉故民歸之如流水所存者神所為者化

存至也言

所至之處畏之如神凡所施為民皆從化之也

而順暴悍勇力之屬為之化而

愿

順從也謂好從暴悍勇力之人皆化而愿慙也

旁辟曲私之屬為之化而公

旁偏頗也
辟讀為僻

矜糾收繚之屬為之化而調

矜謂夸汰糾謂
好發摘人過者

也收謂掠美者也繚謂繚繞言委曲也
四者皆鄙陋之人今被化則調和之也

夫是之謂大化

至一

大化皆化也
至一極一也

詩曰王猷允塞徐方其來此之謂也

凡兼人者有三術有以德兼人者有以力兼人者有以

富兼人者彼貴我名聲美我德行欲為我民故辟門除

塗以迎吾入

辟與闢同開也除
塗治其道塗也

因其民襲其處而百姓

皆安

因其民之愛悅襲處其
處皆安言不驚擾也

立法施令莫不順比

比親
附也

施令則
民親比是故得地而權彌重兼人而兵俞彊是以德兼

人者也

俞讀為愈下同

非貴我名聲也非美我德行也彼畏我

威劫我勢

為我勢所劫也

故民雖有離心不敢有畔慮若是則

戎甲俞衆奉養必費

奉養戎甲必煩費也

是故得地而權彌輕兼

人而兵俞弱是以力無人者也非貴我名聲也非美我

德行也用貧求富用飢求飽虛腹張口來歸我食若是

則必發夫掌窳之粟以食之

地藏曰窳掌窳主倉廩之官窳匹孝反

委之

財貨以富之立良有司以接之

立溫良之有司以慰接之懼其畔去也

已

暮三年然後民可信也

已過也過一暮之後至於三年然後所歸之民可信本非慕化

也故是故得地而權彌輕無人而國愈貧是以富無人者

也故曰以德無人者王以力無人者弱以富無人者貧

古今一也兼并易能也唯堅凝之難焉

凝定也堅固定有地為難

齊

能并宋而不能凝也故魏奪之燕能并齊而不能凝也

故田單奪之韓之上地方數百里完全富具而趨趙趙

不能凝也故秦奪之

具言府庫也趨歸也七朱反史記具言府庫之地完全言城邑也富

秦攻上黨韓不能救其守馮亭以上黨降趙趙使馬服子將兵距秦秦使白起大破馬服於長平坑四十餘萬而奪其地殺戮盡也故能并之而不能凝則必奪不能并之又不

能疑其有則必亡能疑之則必能并之矣得之則凝兼

并無彊

得其地則能定之則無有彊而不可兼并者也

古者湯以薄武王以瀉

薄與毫同瀉與鎬同

皆百里之地天下為一諸侯為臣無他故焉

能凝之也故凝士以禮凝民以政禮修而士服政平而民安士服民安夫是之謂大凝以守則固以征則彊令行禁止王者之事畢矣

荀子卷十

欽定四庫全書

荀子卷十一

唐 楊倞 註

彊國篇第十六

刑范正金錫美工冶巧火齊得

火齊得謂生熟齊和得宜考工記云金有六齊

齊才剖刑而莫耶已

刑與形同范法也刑范鑄劔規模之器也剖開也莫耶古之良劔也

然而不剥脫不砥礪則不可以斷繩

剥脫謂刮去其生法砥礪謂磨淬也

剥脫之砥礪之則鋹盤孟刳牛馬忽然耳

鋹割也音庚鋹盤孟刳牛

馬蓋古用試劔者也戰國策趙奢謂田單曰吳干將之劔內試則斷牛馬金試則截盤孟盤孟皆銅器猶刺鍾

無聲及斷牛馬者也
忽然言容易也

彼國者亦彊國之剖刑已

如彊國之初開此也

然而不教誨不調一則入不可以守出不可以戰教誨

之調一之則兵勁城固敵國不敢撓也彼國者亦有砥

礪禮義節奏是也

節奏有法度也

故人之命在天國之命在禮

人君者隆禮尊賢而王重法愛民而霸好利多詐而危

權謀傾覆幽險而盡亡

幽深傾險使下難知則盡亡也

威有三有道德

之威者有暴察之威者有狂妄之威者

暴察謂暴急嚴察也

此三

威者不可不熟察也禮樂則脩分義則明

分謂上下有分義謂各得

其舉錯則時愛利則形形見也愛利人之心見於外也如是百姓貴之

如帝高之如天帝天神也親之如父母畏之如神明故賞不

用而民勸罰不用而威行夫是之謂道德之威禮樂則

不脩分義則不明舉錯則不時愛利則不形然而其禁

暴也察其誅不服也審其刑罰重而信其誅殺猛而必

中中商比比黜黜然而雷擊之如牆厭之黜然卒至之貌說文云黜黑色猶闇然黜烏感

反厭讀如是百姓劫則畏見劫脅之羸則教稍羸緩之則教謾羸

音音上執拘則最得間則散最聚也間隙也公羊傳曰敵會猶最也何休曰最聚也敵

中則奪

敵人得中道則奪其國
一曰中擊也丁仲反

非劫之以形勢非振之

以誅殺則無以有其下

振動

夫是之謂暴察之威無愛人

之心無利人之事而日為亂人之道百姓謹教則從而

執縛之刑灼之不和人心

謹喧嘩也教喧噪也亦讀為
教謂叫呼之聲教教然也五

刀如是下比周賁潰以離上矣

賁讀為憤憤然也
民逃其上曰潰

傾覆

滅亡可立而待也夫是之謂狂妄之威此三威者不可

不熟察也道德之威成乎安彊暴察之威成乎危弱狂

妄之威成乎滅亡公孫子曰子發將西伐蔡克蔡獲蔡

侯公孫子齊相也未知其名後語孟嘗君客有公孫成

宣後為齊相乎或曰公孫名忌子發楚令尹未知其

姓戰國策莊辛諫楚莊王曰蔡靈侯南遊乎高陂北陵

乎巫山右枕幼妾左擁嬖女馳騁乎高蔡之間不以國

家為事不知子發方受命于靈王繫以朱絲而見之史

記蔡侯為楚惠王所滅莊辛云靈王與史記不同也

歸致命曰蔡侯奉其社稷而歸之楚

歸致命於君言蔡侯自奉其社稷歸

楚非已舍屬二三子而理其地

舍子發名屬之欲反二三子楚之諸臣也理其

地謂安輯其民也子發不欲獨擅其功故請諸臣理其地也

既楚發其賞

既謂論功之後發行

也子發辭曰發誠布令而敵退是主威也徒舉相攻而

敵退是將威也合戰用力而敵退是衆威也

誠教也凡發誠布令

而敵退則是畏其主徒舉相攻而敵退則是臣舍不宜畏其將合戰用力而敵退則是畏其衆也

以衆威受賞

是時合戰用力而滅蔡故曰衆威此已上公孫子美子發之辭也已下孫卿之辭也

譏之曰子發之致命也恭其辭賞也固

固陋也其致命難其辭賞則固

陋非坦明知道者也

夫尚賢使能賞有功罰有罪非獨一人為之

也自古皆然

彼先王之道也一人之本也善善惡惡之應也

彼彼賞罰也言彼賞罰者先王之道齊一人之本善善惡惡之報應也

治必由之古今一

也為治必用賞罰

古者明王之舉大事立大功也大事已博大

功已立則君享其成羣臣享其功

享獻也謂受其獻也

士大夫益

爵官人益秩庶人益祿

爵謂若秦庶長不更之屬官人羣吏也庶人士卒也秩祿皆謂

廩食也

是以為善者勸為不善者沮上下一心三軍同力

是以百事成而功名大也今子發獨不然反先王之道

亂楚國之法墮興功之臣耻受賞之屬

人皆受賞子發獨辭是使興功

之臣墮廢其志受賞之屬慙耻於心

無僂乎族黨而抑卑其後世

夫先祖有寵錫

則子孫揚其功族黨遭刑戮則後世蒙其恥今子發自謂無功則子孫無以稱揚雖無刑戮之恥而後世亦抑

損卑下無以光榮也

按獨以為私靡豈不過甚矣哉故曰子發之

致命也恭其辭賞也固處勝人之勢行勝人之道天下

莫忿湯武是也處勝人之勢不以勝人之道

也以用

厚於

有天下之勢索為匹夫不可得也桀紂是也然則得勝

人之勢者其不如勝人之道遠矣夫主相者勝人以勢

也是為是非為非能為能不能為不能併已之私欲必

以道夫公道通義之可以相兼容者是勝人之道也

併讀

為屏棄也屏棄私欲通達公義

今相國上則得專主下則得專國相國

之於勝人之勢豈有之矣

豈讀為擅本亦或作擅或曰豈誠也

然則胡不

毆此勝人之勢赴勝人之道

毆謂駕馭之也或作謳歌此勝人之勢誤也

求

仁厚明通之君子而託王焉

求賢而託之以王使輔佐也

與之參國

政正是非如是則國孰敢不為義矣

國內皆化之也

君臣上下

貴賤長少至于庶人莫不為義則天下孰不欲合義矣

天下皆來歸義也

賢士願相國之朝能士願相國之官好利之

民莫不願以齊為歸是一天下也相國舍是而不為安

直為是世俗之所以為

不為勝人之道但為勝人之勢

則女主亂之宮

詐臣亂之朝貪吏亂之官衆庶百姓皆以貪利爭奪為

俗曷若是而可以持國乎今巨楚縣吾前

楚在齊南故曰前縣縣繫

之大燕鰭吾後

燕在齊北故曰後鰭蹠也如蹠當於後也莊子風謂蛇曰鰭我亦作蹠吾後也

勁魏釣吾右西壤之不絕若繩

魏在齊西故曰右釣謂釣取物也西壤齊西界

之地若繩言細也

楚人則乃有襄賁開陽以臨吾左

襄賁開陽楚二邑在

齊之東者也漢書地理志二縣皆屬東海郡賁音肥

是一國作謀三國必起而乘

我

一國謀齊則三國乘其弊

如是則齊必斷而為四

三國分齊則斷為四謂楚取其

二魏燕取其二也

三國若假城耳

言齊如三國之寄城耳不久當歸之也

必為天

下大笑曷若

天下必笑其無謀滅亡問以為何如也

兩者孰足為之

勝人

之道與勝人之勢一則天下歸一則天下笑問何者可為也

夫桀紂聖王之後子孫

也有天下者之世也

世謂繼也

勢籍之所存天下之宗室也

勢謂國籍之所在也

土地之大封內千里人之衆數以億萬

其數億萬

俄而天下倏然舉去桀紂而犇湯武

倏然高舉之貌舉皆也犇與奔同

反然舉惡桀紂而貴湯武

反音翻翻然改變貌惡烏路反

是何也夫桀

紂何失而湯武何得也

假設問答

曰是無他故焉桀紂者善

為人所惡也而湯武者善為人所好也人之所惡何也

曰汙漫爭奪貪利是也

汙漫謂穢汙不脩潔也或曰漫謂欺誑也汙烏路反漫莫但反

人之所好者何也曰禮義辭讓忠信是也今君人者辟

稱比方則欲自並乎湯武

辟讀為譬
稱尺證反

若其所以統之則

無以異於桀紂而求有湯武之功名可乎

統制治也

故凡得

勝者必與人也凡得人者必與道也道也者何也曰禮

讓忠信是也故自四五萬而往者彊勝非衆之力也隆

在信矣

而往猶已上也言有兵四五萬已上者若能崇信則足以自致彊勝不必更待與國之衆也若

不崇信雖有與國之衆猶無益故曰非衆之力也

自數百里而往者安固非大

之力也隆在脩政矣

有數百里之地脩政則安固不必更在廣也荀卿常言湯武以百里

之地王天下今言此者若言常人之理非論聖人也今已有數萬之衆者也陶誕

比周以相與

陶當為構机之構或曰當為逃謂逃匿其情與謂黨與之國也

已有數百

里之國者也汗漫突盜以爭地

突謂相凌犯也

然則是弃已之

所安彊而爭已之所以危弱也損已之所不足以重已

之所有餘

損減也重多也不足謂信與政有餘謂衆與地也

若是其悖繆也而

求有湯武之功名可乎辟之是猶伏而咥天救經而引

其足也

咥與舐同經繆也救繆而引其足足繆愈急也

說必不行矣愈務而愈

遠為人臣者不恤已行之不行

上行下孟反下行如字

苟得利而

已矣是渠衝入穴而求利也

渠大也渠衝攻城之大車也詩曰臨衝閑閑韓子曰

奏百狸首射侯不當彊弩趨發平城距衝不若堙內伏橐或作距衝蓋言可以距石矣是仁人之

所羞而不為也屈大就小務於苟得故羞而不為也故人莫貴乎生莫樂

乎安所以養生安樂者莫大乎禮義人知貴生樂安而

弃禮義辟之是猶欲壽而殛頸殛當為刎愚莫大焉故君人

者愛民而安好士而榮兩者無一焉而亡詩曰介人維

藩大師維垣此之謂也大雅板之篇義已解上也力術止義術行昌

謂也曰秦之謂也謂不能進取霸王也言用力術則

止用義術則行發此論以謂秦也新序李斯問孫卿曰當今之時為秦奈何孫卿曰力止義行秦之謂也

威彊乎湯武廣大乎舜禹然而憂患不可勝校也

校計

認然

認思里反

常恐天下之一合而軋已也此所謂力術止

也曷謂乎威彊乎湯武湯武也者乃能使說已者使耳

說音悅

今楚父死焉國舉焉負三王之廟而辟於陳蔡之

間

此楚頃襄王之時也父謂懷王為秦所虜而死也至二十一年秦將白起遂拔我鄢郢燒先王墓於夷陵

襄王兵散遂不復戰東北保陳成廟主也辟如字謂自屏遠也或讀為避

視可司間安欲剋

其脛而以蹈秦之腹

視可謂觀其可伐司音伺間隙也剋亦斬也

然而秦使

左案左使右案右是乃使讎人役也

秦能使讎人為之徒役謂楚襄王七

年迎婦於秦城十五年與秦伐燕二十七年復與秦平而入太子質之類也

此所謂威彊乎

湯武也曷為廣大乎舜禹也曰古者百王之一天下臣

諸侯未有過封內千里者也

封畿之內

今秦南乃有沙羨與

俱是乃江南

漢書地理志沙羨縣屬江夏郡此地俱屬秦是有江南也

北與胡貉為

隣西有巴戎

巴在西南戎在西皆隸屬秦

東在楚者乃界於齊

謂東侵楚

地所得者乃與齊為界也

在韓者踰常山乃在臨慮

漢書地理志臨慮縣名屬河內

今屬相州也

在魏者乃據圉津即去大梁百有二十里耳

當

為圓漢書曹參下脩武度圉津顏師古曰在東郡豈古名圉津傳寫為圉或作韋津今有韋城豈是邪史記朱

忌謂魏安釐曰秦固有懷茅邢丘城堽津以臨河
內河內共汲必危堽圍聲相近疑同堽居委反
其在

趙者剡然有苓而據松栢之塞

剡然侵削之貌苓地名未詳所在或曰苓與靈

同漢書地理志常山郡有靈壽縣今屬真定或曰苓當為卷案卷縣屬河南非趙地也松栢之塞謂趙樹松栢

與秦為界今秦據有之

負西海而固常山

負背也常山本趙山今秦有之言秦背西海東

向以常山為固

是地徧天下也威動海內彊殆中國

秦之彊能危殆中國

殆或為治

然而憂患不可勝校也認認然

認思里反

常恐天下之

一合而軋已也此所謂廣大乎舜禹也然則奈何曰節

威反文

節減威彊復用文理

案用夫端誠信全之君子治天下焉

全謂德全

因與之參國政正是非治曲直聽咸陽使聽咸陽之政順

者錯之不順者而後誅之

錯置也謂捨而不伐

若是則兵不復出

於塞外而令行於天下矣若是則雖為之築明堂於塞

外而朝諸侯使殆可矣

明堂天子布政之宮於塞外三字衍也以前有兵不復出於塞

外故誤重寫此三字耳殆庶幾也秦若使賢人為政雖築明堂朝諸侯庶幾可矣或曰塞外境外也明堂壇也謂巡狩至方岳之下會諸侯為宮方三百步四門壇十有二尋深四尺加方明其上左氏傳為王宮於踐土亦其類也或曰築明堂於塞外謂使他國為秦築帝宮也戰國策韓王謂張儀曰謂比秦郡縣築帝宮祠春秋稱是也

東蕃是也

假今之世益地不如益信之務也應侯問孫卿曰

入秦何見

應侯秦相范雎封於應也杜元凱云應國在襄陽城父縣西南也

孫卿曰其

固塞險形勢便山林川谷美

謂多良材及溉灌之利也

天材之利多

所出物產多也

是形勝也

形地形便而物產多所以為勝故曰如高屋之上而建瓴水也

入境

觀其風俗其百姓樸其聲樂不流汙

流邪淫也汙濁也

其服不佻

佻偷也不為奇異之服詩序曰長民者衣服不貳從容有常以齊其民則民德一也

甚

畏有司而順古之民也及都邑官府

及至也至縣邑之廡署

其百

吏肅然莫不恭儉敦敬忠信而不桀古之吏也

桀音苦濫惡也

或曰請為王事靡盬之監監不堅固也

入其國觀其士大夫出於其門入

於公門出於公門歸於其家無有私事也不比周不朋

黨倜然莫不明通而公也古之士大夫也

倜然高遠貌

觀其

朝廷其間聽決百事不留恬然如無治者古之朝也

其間

朝退也古蒐反恬然安閑貌如無治者如都無聽治處也

故四世有勝非幸也數也

是所見也故曰佚而治約而詳不煩而功治之至也秦

類之矣

雖佚而治雖約而詳雖不煩而有功古之至治有如此者秦似之

雖然則甚有

其認也

認懼

兼數具者而盡有之然而縣之以王者之功

名則倜倜然其不及遠矣

勝音懸謂聯繫

是何也則其殆無儒

耶故曰粹而王

粹謂全用儒道

駁而霸無一焉而亡此亦秦之

所短也積微月不勝日時不勝月歲不勝時

積微細之事月不如

日言當日日留心於庶事不可急忽也

凡人好教慢小事大事至然後興

之務之如是則常不勝夫熟比於小事者矣

熟比精審躬親之謂

是何也則小事之至也數其縣日也博其為積也大

數音

朔博謂所縣繫時日多也大謂積小以成大若蟻蛭然也

大事之至也希其縣日也

淺其為積也小

時日既淺則所積亦小

故善日者王善時者霸補

漏者危大荒者亡

善謂愛惜不急棄也補漏謂不能累功累業至於弊漏然後補之大荒謂

都荒廢故王者敬日敬謂不敢慢也故曰霸者敬時動

皆不失時或曰時變吉人為善惟日不足則懼治之不立也憂亡國至

亡而後知亡至死而後知死國之禍敗不可勝悔也所

之事不可勝舉言甚多霸者之善著焉可以時託也霸者其善明著以其所託

不失王者之功名不可勝日志也日記識其政事故能功名不可勝數財

物貨寶以大為重政教功名反是能積微者速成詩曰

德輶如毛民鮮克舉此之謂也詩大雅烝民之篇輶輕也引之以明積微至著

之功凡姦人之所以起者以上之不貴義不敬義也上行

下夫義者所以限禁人之為惡與姦者也今上不貴義

不敬義如是則下之人百姓皆有棄義之志有趨姦之心矣此姦之所以起也且上者下之師也夫下之和上

譬之猶響之應聲影之像形也故為上者不可不順也

不可不順義或曰當為慎

夫義者內節於人而外節於萬物者也

節即

謂限禁也上安於主而下調於民者也

得其節則上安而下調也

内外上

下節義之情也

義之情皆在得其節

然則凡為天下之要義為本

而信次之古者禹湯本義務信而天下治桀紂棄義倍

信而天下亂故為人上者必將慎禮義務忠信然後可

此君人者之大本也

慎或為順

堂上不糞則郊草不瞻曠芸

曠空也空謂無草也芸謂有草可芸鋤也堂上猶未糞除則不暇瞻視郊野之草有無也言近者未理不暇及

遠魯連子謂田巴曰堂上不糞者郊草不芸也

白刃捍乎胃則目不見流矢

捍藏

也捍藏於胃謂見斬刺也懼白刃之甚不暇憂流矢也

拔戟加乎首則十指不辭

斷

言不惜十指而救首也拔或作校或作技

非不以此為務也疾養緩急之

有相先者也

疾病也養與瘡同言非不以郊草流矢十指為務痛癢緩急有所先救者也言此明

人君當先務以禮義然後及他事也

天論篇第十七

天行有常

天自有常行之道也

不為堯存不為桀亡應之以治則

吉應之以亂則凶

吉凶由人天非愛堯而惡桀也

彊本而節用則天不

能貧

本謂農桑

養備而動時則天不能病

養備謂使人衣食足動時謂勸人勤

力不失時亦不使勞苦也養生既備動作以時則疾疹不作也

脩道而不貳則天不能

禍

貳即倍也

故水旱不能使之飢渴寒暑不能使之疾祆恠

不能使之凶

畜積有素故水旱不能使之飢渴既無飢寒之患則疫癘所不能加之矣

本荒

而用侈則天不能使之富養略而動罕則天不能使之

全

略減少也罕希也養略謂使人衣食不足也動希言怠惰也衣食減少而又怠惰則天不能全也

倍

道而妄行則天不能使之吉故水旱未至而飢渴寒暑

未薄而疾

薄迫也音博

祇怪未至而凶受時與治世同而殃

禍與治世異不可以怨天其道然也

非天降災人自使然

故明於

天人之分則可謂至人矣

知在人不在天斯為至人

不為而成不求

而得夫是之謂天職

不為而成不求而得四時行焉百物生焉天之職任如此豈愛憎於

堯桀之間乎

如是者雖深其人不加慮焉雖大不加能焉雖

精不加察焉夫是之謂不與天爭職

其人至人也言天道雖深遠至人曾

不措意測度焉以其無益於理若措其在人者慕其在天者是爭職也莊子曰六合之外聖人存而不論也

天有其時地有其財人有其治夫是之謂能參

人能治天時地

財而用之則

是參於天地舍其所以參而願其所參則惑矣

舍人事而欲知

天意斯惑矣

列星隨旋日月遞炤四時代御陰陽大化風雨

博施

列星有列位者二十八宿也隨旋相隨迴旋也炤與照同陰陽大化謂寒暑變化萬物也博謂廣博

施行無不被也

萬物各得其所和以生各得其養以成不見其事

而見其功夫是之謂神

和謂和氣養謂風雨不見和養之事但見成功斯所以為神若

有真宰然也

皆知其所以成莫知其無形夫是之謂天

言天道之

難知或曰當為夫是

之謂天功脫功字耳唯聖人為不求知天

既天道難測故聖人但修

人事不務役

慮於知天也天職既立天功既成形具而神生好惡喜

怒哀樂藏焉夫是之謂天情

言人之身亦天職天功所成立也形謂百骸九竅神

謂精魂天情所受於天之情也

耳目鼻口形能各有接而不相能也夫

是之謂天官

耳辨聲目辨色鼻辨臭口辨味形辨寒熱疾瘡其所能皆可以接物而不能互相為

用官猶任也言天之所付任有如此者也

心居中虛以治五官夫是之謂天

君

心居於中空虛之地以制耳目鼻口目形之五官是天使為形體之君也

財非其類以養

其類夫是之謂天養

財與我同飲食衣服與人異類裁而用之可使養口腹形體故曰裁

非其類以養其類是天
使奉養之道如此也
順其類者謂之福逆其類者謂

之禍夫是之謂天政

順其類謂裁者也逆其類謂不能裁者也言天政如賞罰之政令自

天職既立已上論天所置之事已下論逆天順天之事在人所為也

暗其天君

昏亂其心亂其

天官

聲色臭味過度

棄其天養

不能務本節用

逆其天政

不能養其類也

背其

天情

好惡喜怒哀樂無節

以喪天功

喪其生成之天功使不蕃滋也

夫是之謂大

凶

此皆言不脩政違天之禍

聖人清其天君正其天官備其天養順

其天政養其天情以全其天功如是則知其所為知其

所不為矣

知務導達不攻異端

則天地官而萬物役矣

言聖人自脩政則可

以任天地
後萬物

其行曲治其養曲適其生不傷夫是之謂知

天其所自脩行之政曲盡其治其所養人之術曲盡其

知天物其
要曲盡也

故大巧在所不為大智在所不慮

此明不務知天是乃

知天也亦猶大巧在所不為如天地之成萬物若偏有

所為則其巧小矣大智在所不慮如聖人無為而治也

若偏有所慮所志於天者已其見象之可以期者矣

識也聖人雖不務知天猶有記識以助治道所以記識

於天者其見垂象之文可以知其節候者也若堯命羲

和欽授人時者也

所志於地者已其見宜之可以息

者矣

所以記識於地者其見土所志於四時者已其見

宜可以蓄息嘉穀者是也

數之可以事者矣

數謂春作夏長秋斂冬藏必然之事謂順時理其事也所以認識四時

者取順時之數而令生長收藏者也

所志於陰陽者已其見知之可以治

者矣

知謂知其生殺也所以認識陰陽者為知其生殺効之為賞罰以治之知或為和

官人守

天而自為守道也

官人任人欲任人守天在於自守道皆明不務知天之義也

治亂

天耶曰日月星辰瑞厯是禹桀之所同也

或曰當時星辰書之名也

禹以治桀以亂治亂非天也時耶曰繁啟蕃長於春夏

繁多也

蕃茂也蓄積收藏於秋冬是又禹桀之所同也禹以治

桀以亂治亂非時也地耶曰得地則生失地則死是又

禹桀之所同也禹以治桀以亂治亂非地也

皆言在人不在天地

與時

詩曰天作高山大王荒之彼作美文王康之此之

謂也

詩周頌天作之篇引此以明吉凶由人如大王之能尊大岐山也

天不為人之惡

寒也而輟冬地不為人之惡遼遠也而輟廣君子不為

小人勾勾也而輟行

勾勾喧譁之聲與誦同音又許同反行下孟反

天有常道

矣地有常數矣君子有常體矣君子道其常小人計其

功

道言也君子言常造次必守其道小人則計一時之功利因物而遷之

詩曰何恤人之

言兮此之謂也

逸詩也以言苟守道不違何畏人之言也

楚王後車千乘非

知也君子啜菽飲水非愚也是節然也

節謂所遇之時節也

若夫

心意脩德行厚知慮明生於今而志乎古則是其在我

者也故君子敬其在己者而不慕其在天者

在天謂富貴也

小

人錯其在己者而慕其在天者

錯置

君子敬其在己者而

不慕其在天者是以日進也

求已而不苟故日進

小人錯其在己

者而慕其在天者是以日退也

望徼倖而不求已故日退也

故君子

之所以日進與小人之所以日退一也

皆有慕有不慕

君子小

人之所以相懸者在此耳星墜木鳴國人皆恐曰是何

也曰無何也

假設問答無何也言不足憂也

是天地之變陰陽之化物

之罕至者也

星隆天地之變木鳴陰陽之化罕希也

怪之可也畏之非也

以其罕至謂之怪異則可因遂畏懼則非

夫日月之有蝕風雨之不時怪星

之黨見

黨見頻見也言如朋黨之多見賢遍反

是無世而不常有之上明

而政平則是雖並世起無傷也

並世起謂一世之中並起

上闇而政

險則是雖無一至者無益也夫星之隆木之鳴是天地

之變陰陽之化物之罕至者也怪之可也畏之非也物

之已至者人祇則可畏也

物之既至可畏者在人之祇也

耜耕傷稼耘

耨失歲政險失民

耨耕謂倉惡不精也失歲謂耨耨失時使穢也政險威虐也歲與穢同

田稼歲惡糴貴民飢道路有死人夫是之謂人祆政令

不明舉錯不時本事不理夫是之謂人祆

舉謂起兵動衆錯謂懷安

失於機也本事農桑之事也

禮義不脩內外無別男女淫亂則父子

相疑上下乖離寇難並至夫是之謂人祆祆是生於亂

三者錯無安國

三者三人祆也錯置也置此三祆於中國則無有安也

其說甚通

其菑甚慘

通近也三人祆之說此星墜木鳴為淺近然其災害人則甚慘毒也

勉力不時

則牛馬相生六畜作祆

勉力之役也不時則人多怨曠氣之所感故生非其類也可

怪也而不可畏也傳曰萬物之怪書不說

書謂六經也可為勸戒則

明之不務廣說萬物之怪也

無用之辯不急之察棄而不治若夫君

臣之義父子之親夫婦之別則日切磋而不舍也雩而

雨何也曰無何也猶不雩而雨也

雩求雨之禱也或者問歲旱雩則得雨此

何祥也對以與不雩而雨同明非求而得也周禮司巫國大旱則率巫而舞雩

日月食而救之

天旱而雩小筮而後決大事非以為得求也以文之也

得求得所求也言為此示急於災害順人之意以文飾政事而已

故君子以為文而百

姓以為神以為文則吉以為神則凶

順人之情以為文飾則無害淫祀求

福則
凶也

在天者莫明於日月在地者莫明於水火在物者

莫明於珠玉在人者莫明於禮義故日月不高則光輝
不赫水火不積則輝潤不博珠玉不睹乎外則王公不
以為寶禮義不加於國家則功名不白故人之命在天
國之命在禮君人者隆禮尊賢而王重法愛民而霸好
利多詐而危權謀傾覆幽險而盡亡矣

幽險謂隱匿其
情而凶虐難測

也權謀多詐幽險
三者盡亡之道也

大天而思之孰與物畜而制之

尊大
天而

思慕之欲其豐富孰與
使物畜積而我裁制之

從天而頌之孰與制天命而用

之

頌者美盛德也從天而美其盛德豈如制裁天之所命而我用之謂若曲者為輪直者為楫任材而用也

望時而待之孰與應時而使之

望時而待謂若農夫之望歲也孰與應春生夏

長之候使不失時也

因物而多之孰與騁能而化之

因物之自多不如騁其智

能而化之使多也若后稷之播種然也

思物而物之孰與理物而勿失之

也

思得萬物以為已物孰與理物皆得其宜不使有所失喪

願於物之所以生孰與

有物之所以成故錯人而思天則失萬物之情

物之生雖在天

成之則在人也此皆言理平豐富在人所為不在天也若廢人而妄思天雖勞心苦思亦無益也

百王

之無變足以為道貫

無變不易也百王不易者謂禮也言理可以為道之條貫也

一

廢一起應之以貫

雖質文廢起時有不同然其要歸以禮為條貫論語孔子曰殷因於夏禮

所損益可知也周因於殷禮所損益可知也其或繼周者雖百世可知也

理貫不亂

知禮則其條貫

亂不知貫不知應變

不知以禮為條貫則不能應變言必差錯而亂也

貫之大

體未嘗亡也亂生其差治盡其詳

差謬也所以亂者生於條貫差謬可以治

者在於故道之所善中則可從畸則不可為匿則大惑

畸者不偶之名謂偏也道之所善得中則從偏側則不可為匿謂隱匿其情禮者明示人者也若隱匿則大惑

畸音

水行者表深表不明則陷

表標準也陷溺也

治民者表道

表不明則亂禮者表也非禮昏世也昏世大亂也

昏世謂使

世昏闇也故道無不明外內異表隱顯有常民陷乃去道禮也外

謂朝聘內謂冠昏所表識各異也隱顯即內外萬物為

道一偏一物為萬物一偏愚者為一物一偏愚者不能盡一物也

而自以為知道無知也以偏為知道慎子有見於後無

見於先

慎到本黃老之術明不尚賢不使能之道故莊子論慎到曰塊不失道以其無爭先之意故曰

見後而不見先也漢書藝文志慎子著書老子有見於

誣無見於信

老子周之守藏史姓李字伯陽號聃孔子之師也著書五千言其意多以屈為伸以

柔勝剛故曰見誣而不見信也信讀為伸墨子有見於齊無見於畸畸謂不齊也墨

子著書與上同兼愛是見齊而不見畸也

宋子有見於少無見於多

宋子名鉅宋人

也與孟子同時下篇云宋子以人之情欲寡而皆以已之情欲多是過也據此說則少而不見多也鉅音刑又

胡洽反漢書藝文志有宋子十八篇班固曰荀卿道宋子其言黃老意

有後而無先則羣

衆無門

夫羣衆在上之閒導皆處後而不慮先羣衆無門戶也

有詘而無信則貴

賤不分

貴者伸而賤者詘則分別矣若皆貴柔弱卑下則無貴賤之別也

有齊而無畸

則政令不施

夫施政令所以治不齊者若尚同則政令何施也

有少而無多則

羣衆不化

夫欲多則可以勸誘為善若皆欲少則何能化之


書曰無有作好遵

王之道無有作惡遵王之路此之謂也

書洪範以喻偏好則非遵王道

也

卷十一



荀子卷十一

欽定四庫全書

子部
荀子卷十二

詳校官侍讀學士臣沈咸熙

編修臣程嘉謨覆勘

覆校官中書臣呂雲棟

校對官中書臣袁文邵

謄錄監生臣康傑

欽定四庫全書

荀子卷十二

唐楊倞註

正論篇第十八

世俗之為說者曰主道利周是不然

此一篇皆論世俗之乖謬荀卿以正

論辨之周密也謂隱匿其情不使下知也世俗以為主道利在如此也

主者民之唱也上

者下之儀也

謂下法上之表儀也

彼將聽唱而應視儀而動唱嘿

則民無應也儀隱則下無動也不應不動則上下無以

相有也

上不導其下則下無以効上是不相須者也

若是則與無上同也不

祥莫大焉故上者下之本也上宣明則下治辨矣

宣露辨別

也下知所從則明別於事也

上端誠則下愿慤矣上公正則下易直

矣

上公正則下不敢險曲也

治辨則易一愿慤則易使易直則易知

易一則彊易使則功易知則明是治之所由生也上周

密則下疑玄矣

玄謂幽深難知或讀為眩惑也與下同

上幽險則下漸詐

矣

幽隱也險難測也漸進也如字又曰漸浸也謂浸成其詐也子廉反

上偏曲則下比周

矣疑玄則難一

疑惑不知所從故難一也

漸詐則難使比周則難知

人人懷私相親比則上不可知其情禮記曰下難知則君長勞難一則不彊難使則不

功難知則不明是亂之所由作也故主道利明不利幽

利宣不利周故主道明則下安主道幽則下危

下知所從則安

不知所從則自危也

故下安則貴上下危則賤上

貴猶愛也賤猶惡也

故上

易知則下親上矣上難知則下畏上矣下親上則上安

下畏上則上危

畏則謀上

故主道莫惡乎難知莫危乎使下

畏已傳曰惡之者衆則危書曰克明明德

尚書多方曰成湯至于帝

乙罔不明德慎罰

詩曰明明在下

詩大雅大明之篇言文王之德明明在下故赫赫然著見

於天也

故先王明之豈特玄之耳哉

特猶直也

世俗之為說者

曰桀紂有天下湯武篡而奪之是不然以桀紂為常有

天下之籍則然

以常主天下之圖籍則然也

親有天下之籍則不然

躬親能有天下則不然以其不能治之也

天下謂在桀紂則不然古者天子

千官諸侯百官以是千官也令行於諸夏之國謂之王

夏大也中原之大國

以是百官也令行於境內國雖不安不至於

廢易遂亡謂之君

僅存之君

聖王之子也

子子孫也

有天下之後

也勢籍之所在也天下之宗室也然而不材不中

不中謂處

事不當也中丁仲反

內則百姓疾之外則諸侯叛之近者境內不

一遙者諸侯不聽令不行於境內甚者諸侯侵削之攻

伐之若是則雖未亡吾謂之無天下矣聖王沒有勢籍

者罷不足以縣天下聖王禹湯也有勢籍者謂其子孫也罷謂弱不任事也縣繫也天

下無君桀紂不能治天下是無君諸侯有能德明威積海內之民莫

不願得以為君師師長然而暴國獨侈安能誅之暴國即桀紂也

侈謂奢汰放縱必不傷害無罪之民誅暴國之君若誅獨夫天下

皆去無助之者若一夫焉若是則可謂能用天下矣能用天下之謂

王湯武非取天下也非奪桀紂之天下也脩其道行其義興天下

之同利除天下之同害而天下歸之也桀紂非去天下

也非天下自去也反禹湯之德亂禮義之分禽獸之行積其凶

全其惡而天下去之也天下歸之之謂王天下去之之

謂亡故桀紂無天下而湯武不弑君由此効之也天下皆去

桀紂是無天下也湯武誅獨夫耳豈為殺君乎由用也効明也用此論明之湯武者民之父

母也桀紂者民之怨賊也今世俗之為說者以桀紂為

君而以湯武為弑然則是誅民之父母而師民之怨賊

也師長不祥莫大焉以天下合為君則天下未嘗合於桀

紂也然則以湯武為弑則天下未嘗有說也直隳之耳

自古論說未嘗有此世俗之人隳損湯武耳

故天子唯其人天下者至重也

非至彊莫之能任

物之彊者乃能勝重任

至大也非至辯莫之能

分

至大則難詳故非小智所能分別也

至衆也非至明莫之能知

天下之人至衆

非極知其情偽不能和輯

此三至者非聖人莫之能盡故非聖人莫

之能王

重大如此非聖人安能王乎○王于况反

聖人備道全美者也是縣

天下之權稱也

縣天下如權稱之縣總知輕重也稱尺證反

桀紂者其知慮

至險也其志意至闇也其行之為至亂也親者疏之賢

者賤之生民怨之禹湯之後也而不得一人之與劓比

干囚箕子身死國亡為天下之大戮後世之言惡者必

稽焉

言惡者必稽考桀紂以為龜鏡也

是不容妻子之數也

不能容有其妻子是

如此之人數也猶言不能保其妻子也列子梁王謂楊朱曰先生有一妻不能治也

故至賢疇四

海湯武是也至罷不容妻子桀紂是也

疇四海謂以四海為疇域或曰

疇與籌同計度也

今世俗之為說者以桀紂為有天下而臣湯

武豈不過甚矣哉

以桀紂為君以湯武為臣而殺之是過甚也

譬之是猶偃

巫跂匡大自以為有知也

臣讀為疇廢疾之人王霸篇曰賤之如偃與此臣同禮記

曰吾欲暴尪而奚若言俗此說猶巫尪大自以為神異也故可以有奪人國不可有

以奪人天下可以有竊國不可有以竊天下也

一國之人易服

故可以有竊者天下之心難歸故不可以奪之者可以有

不可也竊國田常六卿之屬是也

天下之心難歸故

可以有

國而不可以有天下竊可以得國而不可以得天下是

何也曰國小具也可以小人有也可以小道得也可以

小力持也天下者大具也不可以小人有也不可以小

道得也不可以小力持也國者小人可以有之然而未

必不亡也

小人既可以有之則易滅亡明取國與取天下殊也

天下者至大也非

聖人莫之能有也世俗之為說者曰治古無肉刑而有

象刑

治古古治世也肉刑墨劓剕宮也象刑異章服恥辱其形象故謂之象刑也書曰皋陶方施象刑惟

明孔安國云象法也案

墨黥

世俗以為古之重罪以墨涅其面而已更無劓剕之

刑也或曰墨黥當為墨幪以黑巾幪其頭而已

怪嬰

當為澡嬰謂澡濯其布為纓鄭云凶冠之飾令罪人

服之禮記曰總冠纓纓鄭云有事其布以為纓纓或請為草纓子作草纓

共艾畢

共未詳或衍字艾

蒼白色畢與韠同蔽也所以蔽前君以朱大夫素士爵韋令罪人服之故以蒼白色為韋也

非對屨

菲草屨也對當為紼傳寫誤耳紼泉也慎子作紼言罪人或菲或泉為屨故曰菲紼屨紼方孔反對或為蒯禮

有疏屨傳曰

蒯之菲也殺赭衣而不純

以赤土染衣故曰赭衣純緣也殺之所以異於常人

之服也純音準殺所介反慎子曰有虞氏之誅以畫跪
當黜以草纓當劓以復紱當剕以艾畢當宮此有虞之
誅也又尚書大傳曰唐虞之象刑上刑治古如是世俗

赭衣不純中刑雜屨下刑墨幪幪巾也治古如是說以

亦不用象刑矣以為人或觸罪矣而直輕其刑然則是

殺人者不死傷人者不刑也罪至重而刑至輕庸人不

知惡也亂莫大焉

惡烏路反

凡刑人之本禁暴惡惡且徵其

未也

徵讀為懲未謂將來

殺人者不死而傷人者不刑是謂惠暴

而寬賊也非惡惡也故象刑殆非生於治古並起於亂

今也

今之亂世
妄為此說

治古不然凡爵列官職賞慶刑罰皆報

也以類相從者也

報謂報其善惡各以類相從謂
善者得其善惡者得其惡也

一物

失稱亂之端也

失稱謂失其所稱類
不相從也稱尺證反

夫德不稱位能不

稱官賞不當功罰不當罪不祥莫大焉昔者武王伐有

商誅紂斷其首懸之赤旆

史記武王斬紂頭懸之太白
旗此云赤旆所傳聞各異禮

記明堂位說旗曰周之
大赤即史記之說非也

夫征暴誅悍治之盛也殺人者

死傷人者刑是百王之所同未有知其所由來者也刑

稱罪則治不稱罪則亂故治則刑重亂則刑輕

治世刑
必行則

不敢犯故重亂世刑不行則人易犯故輕李奇注漢書曰世所以治乃刑重亂乃刑輕也犯治之罪

固重犯亂之罪固輕

治世家給人足犯法者少有犯則衆惡之罪固當重也亂世人迫於

飢寒犯法者多不可盡用重典當輕也

書曰刑罰世輕世重此之謂也

書

刑以言世有治亂故法有重輕

世俗之為說者曰湯武不能禁令是何

也

言不能施禁令故有所不至者

曰楚越不受制是不然湯武者至天

下之善禁令者也湯居亳武王居鄩皆百里之地也天

下為一諸侯為臣通達之屬莫不振動從服以化順之

振與震同恐也

曷為楚越獨不受制也彼王者之制也視形勢

而制械用

即禮記所謂廣谷大川異制民生其間者異俗器械異制衣服異宜稱遠邇而

等貢獻豈必齊哉

稱尺證反等差也

故魯人以糖衛人用柯齊

人用一革

未詳或曰方言云筮謂之糖孟謂之柯或曰方言糖張也郭云謂穀張也

土地形

制不同者械用備飾不可不異也故諸夏之國同服同

儀

儀謂風俗也諸夏迫近京師易一以教化故同服同儀也

蠻夷戎狄之國同服不

同制

夷狄遐遠又各在一方雖同為要荒之服其制度不同也

封內甸服

王畿之內也禹貢五

百里甸服孔安國曰

封外侯服

畿外也禹貢五百里侯服孔云甸服之外五百

里也侯侯也斥侯而服事王也韋昭云侯服侯圻也

侯衛賓服

韋昭注國語曰侯圻衛衛圻自侯

圻至衛圻其間五圻五百里五五二千五百里中國之界也謂之賓服常以服貢賓見於王五圻者侯圻之外曰甸圻甸圻之外曰男圻男圻之外曰采圻采圻之外曰衛圻康誥曰侯甸男采衛是也此據周官職方氏與禹貢蠻夷要服職方氏衛服之外五百里曰蠻服又異制蠻夷要服其外五百里曰夷服孔安國云要謂要束以文教

戎狄荒服

職方氏所謂鎮服者也韋昭云各相去五百里九州之外荒裔

之地與戎狄同俗故謂之荒荒忽無常之言

甸服者祭侯服者祀賓服者享

要服者貢荒服者終王

韋昭曰日食祭於祖考上食也近漢亦然月祀於曾祖也時享

於二祧也歲貢於壇墠也終謂世終朝嗣王也

日祭月祀時享歲貢終王夫是

之謂視形勢而制械用稱遠近而等貢獻是王者之至

也至當為志所以志識遠近也

彼楚越者且時享歲貢終王之屬也

必齊之日祭月祀之屬然後曰受制耶是規磨之說也

規磨之說猶差錯之說也規者正圓之器磨久則偏盡而不圓失於度程也文子曰水雖平必有波衡雖正必有差韓子曰規有磨而水有波我欲更之無奈之何此通於權言也溝中之瘠也謂行乞之人在

溝壑中羸瘠者以喻智慮淺

則未足與及王者之制也語曰淺不足

與測深愚不足以謀知坎井之鼃不可與語東海之樂

此之謂也

言小不知大也司馬彪曰坎井壞井也鼃蝦蟆類也事出莊子坎井或作壇井鼃戶蠋反

世俗之為說者曰堯舜擅讓

擅與禪同壇亦同義謂除地為壇告天而傳位也後

因謂之禪位世俗以為堯舜德厚故禪讓聖賢後世德薄故父子相繼荀卿言堯舜相承但傳位於賢而已與傳子無異非謂求名而禪讓也案書序曰將遜于位讓于虞舜是亦有讓之說此云非擅讓蓋書序美堯之德雖是傳位與遜讓無異非是先有讓意也孟子亦云萬章曰堯以天下與舜有諸孟子曰天子不能以天下與人曰孰與之曰天與之又曰天與賢則與賢天與子則與子

是不然天子者勢位至

尊無敵於天下夫有誰與讓矣

讓者勢位敵之名若上下相縣則無與讓矣有

讀為

又道德純備智慧甚明南面而聽天下生民之屬莫

不振動從服以化順之天下無隱士無遺善

無隱藏不用之士也

同焉者是也異焉者非也夫有惡擅天下矣

夫自知不堪其事則

求賢而禪位今以堯舜之明聖

曰死而擅之

或者既以生無禪讓

之事因謂堯舜預求

聖賢至死而禪之也是又不然聖王在上圖德而定次

量能而授官

一本作決德而定次

皆民載其事而各得其宜不能

以義制利不能以偽飾性則兼以為民

偽謂矯其本性也無能者則兼

并之令盡為民也

聖王以沒天下無聖則固莫足以擅天下矣

固無擅讓

天下有聖而在後者則天下不離

有聖繼其後者則天下有所歸

不離叛

朝不易位國不更制天下厭然與鄉無以異也

然厭

順服貌一涉反鄉音向

以堯繼堯夫又何變之有矣

言繼位相承與一堯無異

豈為禪讓改
變與他人乎

聖不在後子而在三公則天下如歸猶復

而振之也

後子嗣子謂丹朱商均也三公宰相謂舜禹
天下如歸言不歸後子而歸三公也復而振

之謂猶如天下已去而衰
息今使之來復而振起也

天下厭然與鄉無以異也以

堯易堯夫又何變之有矣

疑此三
句重也

唯其徙朝改制為難

謂殊徽號異制度也舜禹相繼與父子無異所難而不
忍者在徙朝改制也後世見其改易遂以為擅讓也

故天子生則天下一隆致順而治論德而定次

天下一
隆謂天

下之人皆得其
宗厚也致極也

死則能任天下者必有之矣夫禮義之

分盡矣擅讓惡用矣哉

夫讓者禮義之名今聖王但求
其能任天下者傳之則是盡禮

義之分矣豈復更求禪讓之名也

曰老衰而擅是又不然血氣筋力則

有衰若夫智慮取舍則無衰曰老者不堪其勞而休也

是又畏事者之議也

或者自以畏憚勞苦以為聖王亦然也

天子者勢至

重而形至佚心至愉而志無所詘形不為勞尊無上矣

衣被則服五采雜間色

衣被謂以衣被身服五采言備五色也間色紅碧之屬禮記曰

衣正色裳間色也

重文繡加飾之以珠玉食飲則重太牢而備

珍怪期臭味

重多也謂重多之以太牢也珍怪奇異之食也期當為綦極也

曼而饋

為萬饋進食也

代罽而食

罽未詳蓋香草也或曰罽讀為藁即所謂蘭茝本也或曰

當為澤澤蘭也士虞禮茵著用荼實綴澤焉俗書澤字並水旁畢傳寫誤也遺其水耳代畢而食謂焚香氣歌歌即更以雍而徹乎雍詩周頌樂章名奏雍而徹饌論新者代之雍而徹乎語曰三家者以雍徹言其僭也

五祀執薦者百人侍西房

周禮宗伯以血祭祭社稷五祀鄭云五祀四時迎五行之

氣於四郊而祭五德之帝也或曰此五祀謂祠祀蒸嘗及大禘也或曰國語展禽曰禘郊祖宗報此五者國之祀典也皆王者親臨之祭非謂戶竈中雷門行之五祀也薦謂所薦陳之物籩豆之屬也侍侍立也西房西廂侍或居則設張容負依而坐諸侯趨走乎堂下
居安居為傳
之時也容謂羽衛容也居則設張其容儀負依而坐也戶牖之間謂之扆依與扆同或曰爾雅曰容謂之防郭璞云如今牀頭小曲屏風唱射者所謂
隱見也言施此於戶牖間負之而坐也
出戶而巫覡有

事

出戶謂出內門也女曰巫男曰覯有事祓除不祥

出門而宗祝有事

出門謂車駕出

國門宗者王祭祀當為祝有事謂祭行神也國語曰使名姓之後能知四時之生犧牲之物玉帛之類采服之儀宗彞之量次主之度屏攝之位壇場之所上下之神氏姓之出而必率舊典者為之宗又曰使先聖之後能知山川之號宗廟之事昭穆之世齋敬之勤禮節之宜威儀之則容貌之崇忠信之質禋絜之服而敬恭神明者為之祝韋昭曰宗大宗伯也掌祭祀之官禮記曰大祝掌祈福祥也

乘大路越席以養

安

大路祭天車禮曰大路繁纓一就越席結蒲為席養安言恐其不安以此和養之按禮記大路越席為質

素也此云養安以為盛飾未詳其意或曰古人以質為重也

側載畢芷以養鼻

畢芷香草

也已解上於車中傍側載芷用以養鼻

前有錯衡以養目

詩曰約軼錯衡毛曰錯衡文衡

和鸞之聲步中武象駟中韶護以養耳

和鸞皆車上鈴也韓詩外傳云

鸞在衡和在軾前升車則馬動馬動則鸞鳴鸞鳴則和應皆所以為行節也許慎曰扣取其聲鸞以象鳥之聲

武象韶護皆樂名騶當為趨步謂車緩行趨謂車速行周禮大馭云凡馭路行以肆夏趨以采齊皆以鸞和為

節鄭云行謂大寢至路門趨謂路門至應門也三公奉軛持納軛轅前也納與

內軛繫軾前者詩曰塗以輶輶諸侯持輪挾輿先馬挾輿在車之左右也先馬導馬也或

持輪者或挾輿者或先馬者大侯編後大夫次之五等之列者小

侯元士次之小侯遠小國及附庸也元士上士也禮記曰庶方小侯入天子之國曰某人又曰天

子之元士視附庸也庶士介而坐道庶士軍士也介而坐道被庶

人隱竄莫敢望視居如大神動如天帝

言敬畏之甚也

持老養

衰猶有善於是者與不老者休也休猶有安樂恬愉如

是乎

不老老也猶言不顯顯也或曰衍不字也夫老者休息名言豈更有休息安樂過此

故曰諸

侯有老天子無老

諸侯供職貢朝聘故有筋力衰竭求致仕者與天子異也

有擅國

無擅天下古今一也

讓者勢位敵之名一國事輕則有請於天子而讓賢天下則不也

夫曰堯舜擅讓是虛言也是淺者之傳陋者之說也不

知逆順之理小大至不至之變也

小謂一國大謂天下至不至猶言當不當

也未可與及天下之大理者也世俗之為說者曰堯舜

不能教化是何也曰朱象不化是不然也堯舜至天下

之善教化者也南面而聽天下生民之屬莫不振動從

服以化順之

言天下無不化

然而朱象獨不化是非堯舜之過

朱象之罪矣

朱象乃罪人之當誅戮者豈堯舜之過哉論語曰上智與下愚不移是也

堯舜

者天下之英也

鄭康成註禮記云英謂俊選之尤者

朱象者天下之鬼一

時之瑣也

言鬼瑣之人縱被堯舜之治猶不可化言教化所不及鬼瑣已解在非十二子之篇

今

世俗之為說者不怪朱象而非堯舜豈不過甚矣哉夫

是之謂鬼說

狂妄說

羿逢螭門者天下之善射者也不能以

撥弓曲矢中

撥弓不正之
弓中丁仲反

王梁造父者天下之善馭者

也不能以辟馬毀輿致遠

辟與輿同
必亦反

堯舜者天下之善

教化者也不能使冤瑣化何世而無冤何時而無瑣自

太皞燧人莫不有也

太皞伏羲也燧人太皞
前帝王始作火化者

故作者不

祥學者受其殃非者有慶

作冤瑣者不祥有
慶言必無刑戮也

詩曰下民

之孽匪降自天噂沓背憎職競由人此之謂也

詩小雅
十月之

交篇言下民相為妖孽災害非從天降噂沓
然相對談語背則相憎為此者蓋由人耳

世俗之為

說者曰大古薄葬棺厚三寸衣衾三領墓田不妨田故

不掘也

此蓋言古之人君也三領三稱也禮記君陳衣于序東西領南上故以領言葬田不妨田言所

葬之地不妨農耕也殷已前平葬無丘隴之識

亂今厚葬飾棺故掘也是不及

知治道而不察於相不相者之所言也

相穿也謂發冢也胡骨反

人之盜也必以有為

其意必有所云為也

不以備不足足則以重

有餘也而聖王之生民也皆使當厚優猶知足而不得

以有餘過度

當謂得中也丁浪反優猶寬泰也言聖王之養民輕賦薄斂皆使寬泰而知足又有

禁限不得有餘過度

故盜不竊賊不刺

盜賊通名分而言之則私竊謂之盜劫殺謂之賊

狗豕吐菽粟而農賈皆能以貨財讓

農賈無人猶讓則其餘無不讓也

風俗之美男女自不取於塗而百姓羞拾遺故孔子曰

天下有道盜其先變乎

衣食足知榮辱

雖珠玉滿體文繡充棺

黃金充椁加之以丹斚重之以曾青

丹斚丹砂也曾青銅之精形如珠者

其色極青故謂之曾青加以丹斚重以曾青言以丹青采畫也

犀象以為樹

樹之於中琅

玕龍茲華觀以為實

琅玕似珠崑崙山有琅玕樹龍茲未詳觀當為瑾華謂有光華也或

曰龍茲即今之龍鬚席公羊傳曰衛侯朔屬員茲爾雅曰蓐謂之茲史記曰衛叔封市茲徐廣曰茲者籍席之名列女傳無鹽女謂齊宣王曰漸臺五重黃金白玉玕龍疏翡翠珠璣莫落連飾萬民疲極此二殆也疑龍茲即龍疏疏鬚音相近也曹大家亦不解實謂實於棺槨中或曰茲與髭同

人猶且莫之扣

也是何也則求利之詭緩而犯分之羞大也

詭詐也求利詭詐之

心緩也

夫亂今而後反是上以無法使下以無度行知者

不得慮能者不得治賢者不得使

不得在位使人

若是則上失

天性下失地利中失人和故百事廢財物屈而禍亂起

王公則病不足於上庶人則凍餒羸瘠於下於是桀紂

羣居而盜賊擊奪以危上矣

言在上位者蓋如桀紂也

安禽獸行虎

狼貪故脯巨人而炙嬰兒矣若是則有何尤扣人之墓

抉人之口而求利矣哉

抉挑也抉人取其珠也

雖此僇而埋之猶

且必相也安得葬埋哉

不可得葬埋而不發

彼乃將食其肉而齧

其骨也夫太古薄葬故不相也亂今厚葬故相也是特

姦人之誤於亂說以欺愚者而潮陷之以偷取利焉夫

是之謂大姦

言是乃特姦人自誤惑於亂說因以欺愚者猶於潮泥之中陷之謂使陷於不仁不

孝也以偷取利謂背弃死者而苟取其利於生者也是時墨子之徒說薄葬以惑當世故以此譏之傳曰

危人而自安害人而自利此之謂也

危害死者以利子生者與此義同

宋子曰明見侮之不辱使人不鬪

宋子已解在天論篇宋子言若能明慢侮

而不以為辱則可使人不鬪也莊子說宋子曰見侮不辱救民之鬪尹文子曰見侮不辱見推不撻禁暴息兵

救世之闢此人君之德可以為主矣宋子蓋尹文弟子
何休注公羊曰以子冠氏上者著其為師也言此者蓋以難宋子
之徒也人皆以見侮為辱故鬪也知見侮之為不辱

則不鬪矣應之曰然則亦以人之情為不惡侮乎曰惡

而不辱也

雖惡其侮而不以為辱惡鳥路反下同

曰若是則必不得所求

馬求不鬪必不得

凡人之鬪也必以其惡之為說非以其辱之

為故也

凡鬪在於惡不在於辱也

今俳優侏儒狎徒詈侮而不鬪者

是豈鉅知見侮之為不辱哉

狎戲也鉅與遽同言此倡優豈遽遽知宋子有見侮

不辱之論哉

然而不鬪者不惡故也今人或入其央漬竊其

猪彘

央漬中漬也如今人家出水溝也

則援劒戟而逐之不避死傷是

豈以喪猪為辱也哉然而不憚鬪者惡之故也雖以見

侮為辱也不惡則不鬪

不知宋子之論者也

雖知見侮為不辱惡

之則必鬪

知宋子之論也

然則鬪與不鬪耶亡於辱之與不辱

也乃在於惡之與不惡也夫今子宋子不能解人之惡

侮而務說人以勿辱也豈不過甚矣哉

解達也不知人情惡侮而使見

侮不辱是過甚也

金舌蔽口猶將無益也

金舌以金為舌金舌蔽口

解如字說讀為稅以喻不言也雖子宋子見侵侮金舌蔽口不對欲以率

先猶無益於不鬪也揚子法言曰金口而木舌金或讀

為

不知其無益則不知

不知此說無益是不智也

知其無益也直以

欺人則不仁不知辱莫大焉

發論而不仁不將以知辱無過此也

為有益於人耶則與無益於人也

與讀為預本謂有益於人反預於無益人

之論也

則得大辱而退耳說莫病是矣

本欲使人見侮不辱反自得大辱耳

子宋子曰見侮不辱應之曰凡議必將立隆正然後可

也

崇高正直然後可也

無隆正則是非不分而辯訟不決故所聞

曰天下之大隆也是非之封界分職名象之所起王制

是也

名謂指名象謂法象王制謂王者舊制

故凡言議期命是非以聖王

為師

期物之所會也命名物也皆以聖王為法

而聖王之分榮辱是也

聖王以榮

辱為人之大分豈如宋子以見侮為不辱哉

是有兩端矣

榮辱各有二也

有義榮者

有勢榮者有義辱者有勢辱者志意脩德行厚知慮明

是榮之由中出者也夫是之謂義榮爵列尊貢祿厚形

勢勝

貢謂所受貢賦謂天子諸侯也祿謂受君之祿卿相士大夫也形勢謂勢位也

上為天子

諸侯下為卿相士大夫是榮從外至者也夫是之謂勢

榮流淫汙慢

汙穢行也慢當為漫已解在榮辱篇

犯分亂理驕暴貪利是

辱之由中出者也夫是之謂義辱詈侮捽搏

捽持頭也搏手擊也

捶笞臍脚

捶笞皆杖擊也臍膝骨也脚古脚字臍脚則刑其膝骨也鄒陽曰司馬喜臍脚於宋卒相

中斬斷枯磔

斷如字枯弃市暴屍也磔車裂也周禮以編辜祭四方百物注謂披磔牲也或者枯

與編辜義同幾韓子曰淮南之地麗水之中生金民多竊采之采金之禁行而輒辜磔所辜磔甚衆而民竊金

不止疑辜即枯也又莊子

有辜人謂犯罪應死之人

藉靡古舉

藉見凌藉也才夜反靡繫縛與縻義

同即謂胥靡也謂刑徒之人以鐵鎖相連繫也古舉未詳或曰莊子云公孫龍口吐而不合舌舉而不下謂解

窮亦恥辱也

是辱之由外至者也夫是之謂勢辱是榮辱之

兩端也故君子可以有勢辱而不可以有義辱小人可

以有勢榮而不可以有義榮有勢辱無害為堯有勢榮

無害為榮義榮勢榮唯君子而後兼有之義辱勢辱唯小人然後兼有之是榮辱之分也聖王以為法士大夫以為道官人以為守百姓以為成俗萬世不能易也

言上

下皆以榮辱為治也士大夫主教化者官人守職事之官

今子宋子案不然獨誑容

為已慮一朝而改之說必不行矣

言宋子不知聖人以榮辱為大分獨欲屈

容受辱為已之道其謀慮乃欲一朝而改聖王之法說必不行也

譬之是猶以塹塗而

塞江海也以僬僥而戴太山也

塹塗以塗壘塹也僬僥短人長三尺者也

跌碎折不待頃矣

頃與顛同也頃少頃也

二三子之善於子宋子

者殆不若止之將恐得傷其體也

二三子慕宋子道者止謂息其說也傷其

體謂受大辱

子宋子曰人之情欲寡而皆以已之情欲為多

是過也

宋子以凡人之情所欲在少不在多也莊子說宋子曰以禁攻寢兵為外以情欲寡少為內

故率其羣徒辯其談說明其譬稱將使人知情欲之寡

也

稱謂所宜也尺證反情欲之寡或謂情之欲寡也

應之曰然則亦以人之情

為欲目不欲綦色耳不欲綦聲口不欲綦味鼻不欲綦

臭形不欲綦佚此五綦者亦以人之情為不欲乎曰人

之情欲是已曰若是則說必不行矣以人之情為欲此

五綦者而不欲多譬之是猶以人之情為欲富貴而不欲貨也好美而惡西施也古之人為之不然以人之情為欲多而不欲寡故賞以富厚而罰以殺損也

謂以富厚賞之

以殺損罰之殺減也所介反

是百王之所同也故上賢祿天下次賢

祿一國下賢祿田邑愿慤之民完衣食

以人之情為欲多故使德重者

受厚祿下至愿慤之民猶得完衣食皆所以報其功

今子宋子以是之情為欲寡

而不欲多然則先王以人之所不欲者賞而以人之所

欲者罰耶亂莫大焉

知宋子之說乃大亂之道

今子宋子嚴然而好

說

嚴讀為儼好說自喜其說也好呼報反

聚人徒立師學成文曲

文曲文章也

然而說不免於以至治為至亂矣豈不過甚矣哉

荀子卷十二

欽定四庫全書

荀子卷十三

唐 楊倞 註

禮論篇第十九

舊目錄第二十三今升
在論議之中於文為比

禮起於何也曰人生而有欲欲而不得則不能無求求

而無度量分界則不能不爭

量扶
衡反

爭則亂亂則窮

窮謂
計無

所出

先王惡其亂也故制禮義以分之以養人之欲給

人之求

有分然後欲
可養求可給

使欲必不窮乎物物必不屈於欲

兩者相持而長是禮之所起也

屈竭也先王為之立中
道故欲不盡於物物不

竭於欲欲與物相扶持故能長久是禮所起之本意者也

故禮者養也芻豢稻粱五

味調香所以養口也椒蘭芬苾所以養鼻也雕琢刻鏤

黼黻文章所以養目也鐘鼓管磬琴瑟笙簧所以養耳

也疏房棧貌越席牀第几筵所以養體也

疏通也疏房通明之房也

貌古貌字棧貌未詳或曰棧讀為遽貌廟也廟者宮室尊嚴之名或曰貌讀為邈言屋宇深邃綿貌也第牀棧也越席剪蒲席也古人所重司馬貞曰疏窻也故禮者養也君子既得其養又

好其別曷謂別曰貴賤有等長幼有差貧富輕重皆有

稱者也

稱謂各當其宜尺證反

故天子大路越席所以養體也側

載畢芷所以養鼻也前有錯衡所以養目也和鸞之聲

步中武象趨中韶護所以養耳也

並解在正論篇

龍旗九旂所

以養信也

龍旗畫龍旗兩雅曰素升龍干繆練旂九旗正幅為絲旂所以屬之者也信謂使萬人見

而信之識至尊也養猶奉也

寢兕

謂武士寢處於甲冑者也

持虎

謂以虎皮為弓衣武士執持者

也詩曰虎韞鏤膺劉氏云畫虎於鈴竿及楯也

蛟韞

韞馬服

之革蓋象蛟形徐廣曰以蛟魚皮為之

絲

末

末與帟同禮記曰若羔帟虎犴鄭云覆芻也絲帟蓋織絲為帟亡狄反

彌龍所以養威

也

彌如字又讀為弭弭末也謂金飾衡軛之末為龍首也徐廣曰乘輿單以金薄繆龍為輿倚較交虎伏軾

龍首

故大路之馬必倍至教順然後乘之所以養安也

倍至謂倍加精至也或以必倍為自信謂反之車在熟馬前令馬熟識車也至極教順然後乘之備驚奔也熟

知夫出死要節之所以養生也

熟甚也出死出身死冠難也要節自要約以節

義謂立節也使熟便其知其出要節盡忠於君是乃所以受祿養生也若不能然則亂而不保其生也要一違

反熟知夫出費用之所以養財也

費用財以成禮謂問遺之屬是乃所以求

奉養其財不

相侵奪也熟知夫恭敬辭讓之所以養安也

無恭敬辭讓則

亂而不

熟知夫禮義文理之所以養情也

無禮義文理則縱情性不

知所

歸也故人苟生之為見若者必死

言苟唯以生為所見不能出死要節若此

者必

苟利之為見若者必害

苟唯以利為所見不能用財以成禮若此者必遇害

苟怠惰偷懦之為安若者必危

儒讀為儒言苟以怠惰為安居不能恭敬辭讓

若此者必危

苟情說之為樂若者必滅

說讀為悅言苟以情悅為樂不知禮義文

理恣其所欲若此者必滅亡

故人一之於禮義則兩得之矣一之於

情性則兩喪之矣

專一於禮義則禮義情性兩得專一於情性則禮義情性兩喪

故儒

者將使人兩得之者也墨者將使人兩喪之者也是儒

墨之分也禮有三本天地者生之本也先祖者類之本

也

類

君師者治之本也無天地惡生無先祖惡出無君

師惡治三者偏亡焉無安人

偏亡謂闕一也

故禮上事天下事

地尊先祖而降君師是禮之三本也

所以奉其三本也

故王者

天太祖

謂以配天也太祖若周之后稷

諸侯不敢壞

謂不祧其廟若魯周公史記作不敢

懷司馬貞云思也蓋誤耳

大夫士有常宗

繼別子之後為族人所常宗百世不遷之大宗也別

子若魯三桓也

所以別貴始貴始得之本也

得當為德言德之本在貴始穀梁傳

有此語

郊止乎天子而社至於諸侯道及士大夫

道通也言社自

諸侯通及士大夫也適士皆得祭門及行史記道作士大夫也或曰道行神也亦作啗司馬貞曰啗音含苞也言士大夫皆得苞立社僚謂是篇通

道誤為蹈傳寫又誤以蹈為蹈耳

所以別尊者事尊

卑者事卑宜大者巨宜小者小故有天下者事十世

十當

為七穀梁傳作天子七廟有一國者事五世有五乘之地者事三世

古者十里為成成出革車一乘五乘之地謂大夫有采地者得立三廟也有三乘之地者事

二世祭法所謂適土立二廟也持手而食者不得立宗廟持其手而食謂農工

所以表積厚積厚者流澤廣積薄者流澤狹也積與績同功業

也穀梁傳僖公十五年震夷伯之廟夷伯魯大夫因此見天子至于士皆有廟也天子廟七諸侯五大夫三

士二故德厚者流光德薄者流卑是以貴始德之本也大饗尚玄尊俎生魚先大

羹貴食飲之本也大饗大饗裕祭先王也尚上也玄酒水也大羹汁無鹽梅之味也本謂造飲食

之物禮記曰郊饗尚玄尊而用酒醴先黍稷而飯稻粱血大饗腥也

饗與享同四時享廟也用謂酌獻也以玄酒為上而獻以酒醴先陳黍稷而後飯以稻粱者也祭齊大

羹而飽庶羞貴本而親用也

祭月祭也齊讀為臠至齒也謂尸舉大羹但至齒而

已至庶羞而致飽也用謂可用食也

貴本之謂文親用之謂理

文謂脩飾理謂合宜

兩者合而成文以歸大一夫是之謂大隆

貴本親用兩者相合然後

備成文理大讀為太太一謂太古時禮記曰夫禮必本於太一言雖備成文理然猶不忘本而歸於太一是謂大隆於禮司馬貞曰隆盛也得故尊之尚玄酒也俎之

尚生魚也豆之先大羹也一也

一謂一於古也此以象太古時皆貴本之義故

云一利爵之不醑也成事之俎不嘗也三臭之不食也

一也

醢盡也謂祭禮必告利成利成之時其爵不卒奠于筵前也史記作不卒成事謂尸既飽禮成不嘗

其俎儀禮尸又三飯士佐食受尸牢肺正脊加于胙臬謂歆其氣謂食畢也許又反皆謂禮畢無文飾復歸于

朴亦象太古時史記作三侑之不食司馬貞云禮祭必立侑以勸尸食至三飯而止每飯有侑一人故曰三侑

既是勸尸故不自食也

大昏之未發齊也大廟之未入尸也始卒

之未小斂也一也

皆謂未有威儀節文象太古時也史記作大昏未發齊也司馬貞曰發齊

謂昏禮也父親醢子而迎故曲禮云齊戒以告鬼神此三者皆禮之初也始質而未偽故云一也

大路

之素未集也郊之麻絕也喪服之先散麻也一也

大路祭天

車王者所乘也未集不集丹漆也禮記曰大路素而越席又曰丹漆雕幾之美而素車之乘麻絕緝麻為冕所

謂大裘而冕不用袞龍之屬也士喪禮始死主人散帶垂長三尺史記作大路之素帗司馬貞曰儔音稠謂車蓋素帷亦質者也三年之喪哭之不文也清廟之歌一倡而三

歎也縣一鍾尚拊之膈朱絃而通越也一也

不文謂無曲折也禮

記曰斬衰之哭長往而不反清廟之歌謂工以樂歌清廟之什也一人倡三人歎言和之者寡也縣一鍾比於編鍾為簡畧也尚拊之膈未詳或曰尚謂上古也拊樂器名膈擊也即所謂戛擊鳴球搏拊琴瑟也尚古樂所以示質也揚子雲長楊賦曰戛擊鳴球韋昭曰古文膈為擊或曰膈當為拊大戴禮作搏拊一名相禮記曰治亂以相拊所以輔樂亦相輔之義書曰搏拊琴瑟孔安國曰搏拊以韋為之實之以據所以節樂也周禮大祭祀登歌令奏擊拊司馬貞曰拊膈謂懸鍾格也不擊其鍾而拊其格不取其聲示質也朱絃通越鄭玄云朱絃

練朱紵也練則聲濁越瑟底孔所以發越其聲故謂之越疎通之後使聲遲也史記作洞越或曰膈讀為憂

凡禮始乎稅成乎文終乎悅校

史記作始乎脫成乎文終乎稅言禮始於脫畧

成於文飾終於稅減禮記曰禮主其減校未詳大戴禮作終於隆盛也

故至備情文俱盡

情文俱盡乃為禮之至備情謂禮意喪主哀祭主敬之類文謂禮物威儀也

其次情文代勝

不能至備文勝於情情勝於文是亦禮之次也

其下復情以歸大一也

雖無文飾但復

情以歸其素是亦禮也若潢汙行潦之水可薦於鬼神者也

天地以合日月以明四

時以序星辰以行江河以流萬物以昌好惡以節喜怒

以當

言禮能上調天時下節人情若無禮以分別之則天時人事皆亂也昌謂各遂其生也

以為

下則順以為上則明萬物變而不亂貳之則喪也禮豈

不至矣哉

禮在下位則使人順在上位則萬變而不亂貳謂不一在禮喪亡也

立隆以為

極而天下莫之能損益也

立隆盛之禮以極盡人情使天下不復更能損益也

本

末相順

司馬貞曰禮之盛文理合以歸大一是本末相順也

終始相

應

司馬貞曰禮始於脫畧終於稅稅亦殺也殺亦脫畧是終始相應

至文以有別至察

以有說

言禮之至文以其有尊卑貴賤之別至察以其明隆殺委曲之情足以悅人心也

天下

從之者治不從者亂從之者安不從者危從之者存不

從者亡小人不能測也禮之理誠深矣堅白同異之察

入焉而溺其理誠大矣擅作典制辟陋之說入焉而喪

其理誠高矣暴慢恣睢輕俗之屬入焉而隊

隊古墜字

深故能使堅白者溺以其大故能使擅作者喪以其高故能使暴慢者墜司馬貞曰恣睢毀訾也

故繩

墨誠陳矣則不可欺以曲直衡誠縣矣則不可欺以輕

重規矩誠施矣則不可欺以方圓君子審於禮則不可

欺以詐偽故繩者直之至衡者平之至規矩者方圓之

至禮者人道之極也然而不法禮不足禮謂之無方之

民法禮足禮謂之有方之士

足謂無闕失方猶道也

禮之中焉能

思索謂之能慮禮之中焉能勿易謂之能固

勿易不變也若不在

禮之中雖能思索勿易猶無益

能慮能固加好者焉斯聖人矣故天者

高之極也地者下之極也無窮者廣之極也

北無窮聖

人者道之極也故學者固學為聖人也非特學為無方

之民也禮者以財物為用

以貢獻問遺之類為行禮之用

以貴賤為文

以車服旂章為貴賤文飾也

以多少為異

多少異制所以別上下也

以隆殺為要

隆豐厚殺減降要當也禮或厚或薄唯其所當為貴也

文理繁情用省是禮之隆

也

文理謂威儀情用謂忠誠若享獻之禮賓主百拜情唯主敬文過於情是禮之隆盛也

文理省

情用繁是禮之殺也

若尊之上玄酒本於質情過於文雖減殺是亦禮也

文理情

用相為内外表裏並行而雜是禮之中流也

或豐或殺情文代勝

並行相雜是禮之中流中流言如水清濁相混

故君子上致其隆下盡其殺而

中處其中

君子知禮者致極也言君子於大禮則極其隆厚小禮則盡其隆殺中用得其中皆不失

禮也

步驟馳騁厲驚不外是矣是君子之壇宇宮庭也

厲驚

疾驚也史記作廣驚言雖馳騁不出於隆殺之間壇宇宮庭已解於上

人有是士君子也

外是民也

是猶此也民祇無所知也

於是其中焉方皇周挾曲得其

次序是聖人也

方皇讀為彷徨猶徘徊也挾讀為浹布也言於是禮之中徘徊周布委曲皆得

其次序而不亂是聖人也故厚者禮之積也大者禮之廣也高者禮

之隆也明者禮之盡也

聖人所以能厚重者由積禮也能弘大者由廣禮也崇高者由

隆禮也明察者由盡禮也司馬貞言君子聖人有厚大之德則為禮之所歸積益弘廣者也

詩曰禮

儀卒度笑語卒獲此之謂也

引此明有禮動皆合宜也

禮者謹於治

生死者也

謹

嚴生人之始也死人之終也終始俱善人道

畢矣故君子敬始而慎終終始如一君子之道禮義

之文也夫厚其生而薄其死是敬其有知而慢其無知

也是姦人之道而倍叛之心也君子以倍叛之心接臧

穀猶且羞之而況以事其所隆親乎

臧已解在王霸篇莊子曰臧與穀相

與牧羊音義云孺子曰穀或曰穀讀為鬪穀於菟之穀穀乳謂哺乳小兒也所隆親所厚之親也

故死

之為道也一而不可得再復也臣之所以致重其君子

之所以致重其親於是盡矣

以其死不可再復臣子於極重之道不可不盡也

故事生不忠厚不敬文謂之野

忠厚忠心篤厚敬文恭敬有文飾野野人不知

禮者

送死不忠厚不敬文謂之瘠

瘠薄

君子賤野而羞瘠故

天子棺槨十重諸侯五重大夫三重士載重

禮記曰天子之棺四

重水兕革棺被之其厚三寸槨棺一梓棺二四者皆周棺束縮二衡三社每束一柏梓以端長六尺而葬五重

八翬鄭云五重杭木與茵也今十重蓋以棺槨與杭木合為卜重也諸侯已下與禮記多少不同未詳也然

後皆有衣衾多少厚薄之數皆有翼翼文章之等以敬

飾之

衣謂禮記君陳衣于庭百稱之比也衾謂君錦衾大夫縞衾士緇衾也翼翼當為翼翼鄭康成曰翼翼

攝也周禮縫人衣翼翼之林柳之言聚諸飾所聚柳以象宮室也劉熙釋名云喪之車其蓋曰柳文章之等謂君龍帷三池振容黼荒火三列黻三列素錦褚如為荒纁組六齊五采五具黼翼翼二黻翼翼二畫翼翼二皆戴圭魚躍拂池君纁戴六纁披六大夫已下各有差也使

生死終始若一足以為人願是先王之道忠臣孝子之

極也

生死如一則人願皆足忠孝之極在此也

天子之喪動四海屬諸侯諸

侯之喪動通國屬大夫大夫之喪動一國屬脩士脩士

之喪動一鄉屬朋友

屬謂付託之使主喪也通國謂通好之國一國謂同在朝之人也脩

士士之進脩者謂上士也一鄉鄉內之姻族也春秋傳曰天子七月而葬同軌畢至諸侯五月而葬同盟至大夫三月同位至士踰月外姻至庶人之喪合族黨動州里刑餘罪人之

喪不得合族黨獨屬妻子棺槨三寸衣衾三領不得飾

棺不得畫行以昏殯凡緣而往埋之

刑餘遭刑之餘死者墨子曰桐棺三

寸葛以為絨趙簡子亦云然則厚三寸刑人之棺也喪大記士陳衣于序東三十稱今云三領亦貶損之甚也殯道路死人也詩曰行有死人尚或殯之今昏殯如掩道路之死人也惡之甚也凡常也緣因也言其妻子如

常日所服而埋之不更加絰杖也今猶謂無盛飾為緣身者也反無哭泣之節無衰麻

之服無親疏月數之等各反其平各復其始已葬埋若

無喪者而止夫是之謂至辱此蓋論墨子薄葬是以至辱之道奉君父也禮

者謹於吉凶不相厭者也厭掩也烏甲反謂不使相侵掩也或曰不使相厭惡非也

絰纁聽息之時則夫忠臣孝子亦知其閔已絰讀為注注纁即屬

纁也言此時知其必至於憂閔也或曰纁當為𡵓𡵓古化反以為𡵓字非也然而殯歛之具

未有求也所謂不相厭也垂涕恐懼然而幸生之心未已持生

之事未輟也卒矣然後作具之具之作之故雖備家必踰日

然後能殯三日而成服

備豐足也

然後告遠者出矣備物者

作矣故殯久不過七十日速不損五十日

此皆據士喪禮首尾三月

也損減也

是何也曰遠者可以至矣百求可以得矣百事可

以成矣其忠至矣其節大矣其文備矣

忠誠也節人子之節也文器用

儀制也子思曰喪三日而殯凡附於身者必誠必信勿之有悔焉耳三月而葬凡附於棺者必誠必信勿之有

悔焉耳

然後月朝卜日月夕卜宅然後葬也

月朝月初也月夕月末也

先十日知其朝然後卜宅此大夫之禮也士則筮宅士喪禮先筮宅後卜日此云月朝卜日月夕卜宅未詳也

當是時也其義止誰得行之其義行誰得止之

聖人為之節制

使賢者抑情
不肖者企也

故三月之葬其貌以生設飾死者也殆非

直留死者以安生也

貌象也言其象以生之所設器
用飾死者三月乃能備之也

是

致隆思慕之義也喪禮之凡

凡謂常道變而飾
謂殯斂每加飾

動而

遠

禮記子游曰飯於牖下小斂於戶內大斂於
阼殯於客位祖於庭葬於墓所以即遠之

久而平

久則哀殺
如平常也

故死之為道也不飾則惡惡則不哀余則翫

余與通同
翫戲狎也

翫則厭厭則忘忘則不敬一朝而喪其嚴親

而所以送葬之者不哀不敬則嫌於禽獸矣君子恥之

故變而飾所以滅惡也動而遠所以遂敬也

遂成也通
則懼敬不

成也

久而平所以優生也

優生養生也謂送死有禮復生有節也

禮者斷長

續短損有餘益不足達愛敬之文而滋成行義之美者

也

皆謂使賢不肖得中也賢者則達愛敬之文而已不至於滅性不肖者用此成行義之美不至於禽獸也

故文飾麤惡聲樂哭泣怵愉憂戚是反也

是相反也

然而禮

兼而用之時舉而代御

御進用也時吉則吉時凶則凶也

故文飾聲樂

怵愉所以持平奉吉也麤衰哭泣憂戚所以持險奉凶

也

持扶助也險謂不平之時

故其立文飾也不至於寃治

寃讀為姚姚治妖美

也其立麤衰也不至於瘠弃

立麤衰以為居喪之飾亦不使羸瘠自弃

其立

聲樂恬愉也不至於流淫憤慢其立哭泣哀戚也不至

於隘懾傷生是禮之中流也

隘窮也懾猶戚也之怯反中流禮之中道也

故

情貌之變足以別吉凶明貴賤親疎之節期止矣

期當為斯

外是姦也雖難君子賤之故量食而食之量要而帶之

相高以毀瘠是姦人之道也非禮義之文非孝子之情

也將以有為者也

非禮義之節文孝子之真情將有作為以邀名求利若演門也

故說

豫婉澤憂戚萃惡是吉凶憂愉之情發於顏色者也

說讀

為悅豫樂也婉媚也音晚澤顏色潤澤也萃與類同惡顏色惡也發見也

歌謠譏笑哭泣諦

號是吉凶憂愉之情發於聲音者也

說與戲同戲謔也說文云號悲聲與

此義不同諦音啼管子曰承人立而啼古字通用號胡刀反

芻豢稻粱酒醴飭鶩魚

肉食藿酒漿是吉凶憂愉之情發於食飲者也

飭鶩藿藿喪者

之卑綽黼黻文織資麤衰經菲總菅屨是吉凶憂愉之

情發於衣服者也

卑綽與裋冕同衣裋衣而服冕也裋之言卑也天子六服大裘為上餘為

卑以事尊卑服之諸侯已下皆服焉文織染絲織為文章也資與齊同即齊衰也麤麤布也今麤布亦謂之資菲草衣蓋如蓑然或當時喪者有服此也總衰也鄭云總衰小功之總四升半之衰也凡布細而疎者謂之總

今南陽有鄧林總布菅茅也春秋傳曰晏子杖菅屨也

疎房樾額越席牀第几筵

屬茨倚廬席薪枕塊是吉凶憂愉之情發於居處者也

茨蓋屋草也屬茨令茨相連屬而已至疎漏也倚廬鄭云倚木為廬謂一邊著地如倚物者既葬柱榻塗廬也

兩情者人生固有端焉

兩情謂吉與凶憂與愉言此兩情固自有端緒非出於禮也

若夫斷之繼之博之淺之益之損之類之盡之盛之美

之使本末終始莫不順比足以為萬世則是禮也

人雖自有

憂愉之情必須禮以節制進退然後終始合宜類之謂觸類而長比附會也毗至反

非順敦脩為

之君子莫之能知也

順從也敦精也脩治也為作也

故曰性者本始材

朴也偽者文理隆盛也無性則偽之無所加無偽則性

不能自美之性偽合然後聖人之名一天下之功於是

就也

一謂不分散言性偽合然後成聖人之名也

故曰天地合而萬物生陰

陽接而變化起性偽合而天下治天能生物不能辨物

也地能載人不能治人也宇中萬物生人之屬待聖人

然後分也詩曰懷柔百神及河喬嶽此之謂也

引此喻聖人能

并治之詩周頌時邁之篇喪禮者以生者飾死者也大象其生以送

其死也故如死如生如存如亡終始一也

不以死異於生亡異於存

始卒沐浴鬻體飯噲象生執也

儀禮鬻用組鄭云用組束髮也古文鬻皆為括

體為瓜榆之屬士喪禮主人左扱米實于右三實一具
左中亦如之凡實米唯盈鄭云于右尸口之右唯盈取
滿而已是飯哈之禮也象生執謂象生時所持之事執或為持

不沐則濡櫛三律而止

不浴則濡巾三式而止

律理髮也今秦俗猶以批髮為栗濡濕也式與拭同士喪禮尸

無有不沐浴者此云蓋末世多不備禮也

充耳而設瑱

士喪禮瑱用白纁鄭云瑱充耳纁新綿也

飯以生稻哈以槁骨反生術矣

生槁禾也槁枯也槁骨具也術法也前說象其

生也此已下說反於生之法也

說褻衣襲三稱緇紳而無鈎帶矣

緇與搢同

扱也紳大帶也搢紳謂扱於帶鈎之所用死張也今不復解脫故不設鈎也褻衣親身之衣也士喪禮飯哈後

乃襲三稱明衣不在算說髡帶搢笏禮記曰季康子之母死陳襄衣鄭玄云褻衣非上服陳之將以歛也設

掩面僂目髻而不冠笄矣

士喪禮掩用緣帛廣終幅長五尺僂與還同繞也士喪禮

悞目用緇方尺二寸輕裏著組繫悞讀如紫紫與還義同髻而不笄謂但髻髮而已不加冠及笄也士喪禮笄

用桑又云髻用組乃笄此云不笄或後世畧也

書其名置于其重則名不見而

柩獨明矣

書其名于旌也士喪禮為銘各以其物亡則以緇長半幅輕末長終幅廣三寸書銘于末

曰某氏某之柩重以木為之長三尺夏祝取飯之餘為粥盛以二鬲縣于重竊用葦席書其名置于重謂見所書置于重則名已無但知其柩也士喪禮祝取銘置于重案銘皆有名此云無蓋後世禮變今猶然

則冠有簠而毋縱

薦器謂陳明器也簠冠禮緇纁廣終幅長六尺謂明器之冠也有如兜簠加首之形而無韜髮

之縱也簠之言蒙也冒也所以冒首莫侯反或音冒

庶虛而不實

士喪禮壺三醢醢屑庶二醴酒皆有罍畫喪禮陳鬼器人器鬼器虛人器實也禮記

宋襄公葬其夫人醢醢百壺曾子曰既曰明器而又實之

有簟席而無牀第

此言棺中不施

牀第大斂小斂則皆有也

木器不成斲陶器不成物薄器不成內

木

成於雕斲不加功也瓦不成於器物不可用也薄器竹葦之器不成內謂有其外形內不可用也內或為用禮記曰竹不成用瓦不成味鄭云成善也竹不可善用謂邊無膝也味當作沫沫磧也

笙竽具而不

和琴瑟張而不均

鄭云無宮商之調也

輿藏而馬反告不用也

輿謂

軼軸也國君謂之輅藏謂埋之也馬謂駕軼軸之馬告示也言也士喪禮既啓遷于祖用軸禮記君葬用輅四綍二碑大夫葬用輅二綍二碑士葬用國車皆至葬時埋之也

具生器以適墓象徙道

也生器用器也弓矢盤盂之屬徙遷改也徙道其生時之道器當在家今以適墓以象人行不從常行之道

更徙他畧而不盡額而不功趨與而藏之金革轡勒而

不入明不用也畧而不盡謂簡畧而不盡備也額形也言但有形額不加功精好也趨與而藏

之謂以輿趨於墓而藏之趨者速也速藏之意也金謂和轡革車軼也說文云勒所以引軸者也杜元凱云勒

在馬胃或曰額讀為逸像也象徙道又明不用也以器今謂畫物為額下額皆同義

象其改易生時之器是皆所以重哀也有異生時皆所以重孝子之哀

也故生器文而不功明器額而不用生器生時所用之器士喪禮曰用器

弓矢耒耜兩敦兩杆盤匱之屬明器鬼器塗車芻靈木不成斲竹不成用瓦不成沫之屬禮記曰周人兼用之

以言不知死者有知無知故雜用生器與明器也

凡禮事生飾歡也送死飾哀

也祭祀飾敬也師旅飾威也是百王之所同古今之所

一也未有知其所由來者也故塋壠其額象室屋也

壠墓

中壠冢也禮記曰適墓不登壠額猶意也言其意以象生時也或音逸

棺椁其額象版蓋

斯象拂也

版謂車上障蔽者蓋車蓋也斯未詳象衍字拂即第也爾雅釋器云輿革前謂之輶後謂

之第郭云以韋輅車軾及後戶也

無帑絲萬縷娶其額以象非帷幬尉

也無讀為撫撫覆也所以覆尸者也士喪禮撫用衾夷衾是也帑與褚同禮記曰素錦褚又曰褚幕丹質鄭

云所以覆棺也絲萬未詳蓋亦喪車之飾也或曰絲讀為綏禮記曰畫綏二皆載綏鄭云以五采羽注於綏首

也驚讀為魚謂以銅魚懸於池下禮記曰魚躍拂池縷
讀為抑葦字誤為縷字耳非謂編章為蔽蓋古人所用
障蔽門戶者今貧者猶然或曰非當為扉隱也謂隱奧
之處也或曰非讀為扉戶扇也悻讀為帳尉讀為尉尉
網也帷帳

抗折其額以象撓茨番闕也

士喪禮陳明器於乘車之西折

橫覆之抗木橫三縮者五無竇窆事畢加之壙上以承
抗席抗禦也所以禦止土者撓扞也茨蓋屋也撓茨猶
塹茨也撓莫于反番讀為藩藩籬也闕為門戶壅闕風
塵者抗所以禦上折所以承抗皆不使外物侵內有象
於撓茨

故喪禮者無他焉明死生之義送以哀敬而終

周藏也故葬埋敬葬其形也

葬也者藏也所以為葬埋之禮敬藏其形體也

祭

祀敬事其神也其銘誄繫世敬傳其名也

銘謂書其功於器物若孔

惺之鼎銘者誅謂誅其行狀以為謚也繫世謂書其事傳襲若今之譜牒也皆所以敬傳其名於後世也

生飾始也送死飾終也終始具而孝子之事畢聖人之

道備矣刻死而附生謂之墨刻生而附死謂之惑刻損減附

增益也墨子之法殺生而送死謂之賊殉葬殺人與賊同也大象

其生以送其死使死生終始莫不稱宜而好善是禮義

之法式也儒者是矣三年之喪何也曰稱情而立文鄭康

成曰稱人之情輕重而制其禮也因以飾羣別親疎貴賤之節而不可

益損也故曰無適不易之術也羣別謂羣而有別也適往也無往不易言所至

皆不可易此術
或曰適讀為敵創巨者其日久痛甚者其愈遲三年之

喪稱情而立文所以為至痛極也

創傷也楚良反日久愈遲互言之也皆言

久乃能平故重喪必待三年乃除亦為至痛之極不可替月而已

齊衰苴杖居廬食粥

席薪枕塊所以為至痛飾也

禮記斬衰苴杖謂以苴惡死竹為之杖鄭云飾謂章

表也三年之喪二十五月而畢哀痛未盡思慕未忘然而

禮以是斷之者豈不以送死有已復生有節也哉

斷決也丁

亂反鄭云復生謂除喪反生者之事也

凡生乎天地之間者有血氣之屬

莫不有知有知之屬莫不愛其類今夫大鳥獸則失亡

其羣足越月踰時則必反鈐過故鄉則必徘徊焉鳴號

焉躑躅焉跼蹐焉然後能去之也

鈐與公同循也禮記作反巡故鄉徘徊旋

飛翔之貌躑躅以足擊地也跼蹐不能去之貌

小者是燕爵猶有啁噍之項焉

然後能去之也

燕爵與鷺雀同

故有血氣之屬莫知於人故人

之於其親也至死無窮

鳥獸猶知愛其羣足良久乃去况人有生之最知則於親喪悲

哀之情至死不窮已故以三年節之也

將由夫愚陋淫邪之人與則彼朝

死而夕忘之然而縱之則是曾鳥獸之不若也彼安能

相與羣居而無亂乎將由夫脩飾之君子與則三年之

喪二十五月而畢若駟之過隙然而遂之則是無窮也

隙壁孔也鄭云喻疾也遂之謂不時除也

故先王聖人安為之立中制節一

使足以成文理則舍之矣

禮記作焉為之立中制節鄭云焉猶然立中制節謂服之

年月也舍除也王肅云一皆也

然則何以分之

分半也半於三年矣

曰至親以期

斷

斷決也鄭云言服之正雖至親皆期而除

是何也

鄭云問服斷於期之義也

曰天地則

以易矣四時則以徧矣其在宇中者莫不更始也

宇中者謂

萬物故先王案以此象之也然則三年何也

鄭云法此變易可以期何

乃三年為也

曰加隆焉案使倍之故載期也

鄭云言於父母加厚其恩使倍

期也

由九月巳下何也

由從也從大功巳下也

曰案使不及也

鄭云言使

其不若父母也

故三年以為隆總麻小功以為殺期九月以為

間

隆厚也殺減也所介反間則其間也古覓反情在隆殺之間也

上取象於天下取象

於地中取則於人人所以羣居和一之

鄭云取象於天地謂法其變易

也自三年以至總皆歲時之數言既象天地又足盡人恩聚居粹厚之也

故三年之喪人道

之至文者也夫是之謂至隆

至文飾人道使成忠孝鄭云言三年之喪喪禮之最

盛也是百王之所同古今之所一也

一謂不變也

君之喪所以

取三年何也

問君之喪何取於三年之制

君者治辨之主也文理之

原也情貌之盡也相率而致隆之不亦可乎

治辨謂能治人使有

辨別也文理法理條貫也原本也情忠誠也貌恭敬也致至也言人所施忠敬無盡於君者則臣下相率服喪而至於三年詩云愷悌君子民之父母彼君子者固有不亦可乎

為民父母之說焉父能生之不能養之

養謂哺乳之也養或謂食

母

能食之不能教誨之

食音嗣

君者已能食之矣又善教誨

之者也

食謂祿廩教誨謂制命也

三年畢矣哉

君者兼父母之恩以三年報之猶未畢也

乳母飲食之者也而三月慈母衣被之者也而九月君

曲被之者也三年畢乎哉

曲被謂兼飲食衣服

得之則治失之則

亂文之至也

文謂法度也治亂所繫是有法度之至也

得之則安失之則危

情之至也

情謂忠厚使人去危就安是忠厚之至者也

兩至者俱積焉以三

年事之猶未足也直無由進之耳

直但

故社祭社也稷

祭稷也

社土神以勾龍配之稷百穀之神以棄配之但各止祭一神而已

郊者并百王

於上天而祭祀之也

百王百神也或神字誤為王言社稷唯祭一神至郊天則兼祭百神

以喻君兼父母者也

三月之殯何也

此殯謂葬之也

曰大之也重之也所

致隆也所致親也將舉錯之遷徙之離宮室而歸丘陵

也先王恐其不文也是以繇其期足之日也

所至厚至親將徙而

歸之陵不可急遽無文飾故繇其期
足之日然後葬也繇讀為由從也故天子七月諸侯

五月大夫士三月皆使其須足以容事事足以容成

足以容文文足以容備曲容備物之謂道矣
須待也謂所待之期

也事喪具也道者委曲容物備物者也祭者志意思慕之情也悫詭喑僂

而不能無時至焉
悫變也詭異也皆謂變異感動之貌喑僂氣不舒憤鬱之貌爾雅僂喑也

郭云喑喑短氣也言人感動或憤鬱不能無時而至言有待而至也悫音革喑音邑僂音愛故人之

歡欣和合之時則夫忠臣孝子亦悫詭而有至矣
歡欣

之時忠臣孝子則感動而思君親之不得同樂也彼其所至者甚大動也
言所至之

情甚大感動也

案屈然已則其於志意之情者惘然不嘆其於

禮節者闕然不具

屈竭也屈然空然也惘然悵然也嘆足也言若無祭祀之禮空然而已則

忠臣孝子之情悵然不足禮節又闕然不具也

故先王案為之立文尊尊親親

之義至矣

文謂祭祀節文

故曰祭者志意思慕之情也忠信愛

敬之至矣禮節文貌之盛矣苟非聖人莫之能知也聖

人明知之士君子安行之官人以為守百姓以成俗其

在君子以為人道也其在百姓以為鬼事也

以為人道則安而行

之以為鬼事則畏而奉之也

故鐘鼓管磬琴瑟笙韶夏護武酌柝

節簡象是君子之所以為憚詭其所喜樂之文也

因說祭遂

廣言喜樂哀痛敦惡之意本皆因於感動而為之文飾也喜樂不可無文飾故制為鐘鼓韶夏之屬節音朔賈達曰舞曲名武酌桓皆周頌篇名齊衰苴杖居廬食粥簡未詳象周武王伐紂之樂也

席薪枕塊是君子之所以為憚詭其所哀痛之文也

感動

其所哀痛而不可無文飾故制為齊衰苴杖之屬言本皆因於感動也

師旅有制刑法有

等莫不稱罪是君子之所以為憚詭其所敦惡之文也

師旅所以討有罪制謂人數也有等輕重異也敦厚也厚惡深惡也或曰敦讀為頓頓因墮也本因感動敦惡故制師旅刑卜筮視日齋戒脩塗几筵饋薦告祝如或法以為文飾

饗之

視日之吉凶史記周文為項燕視日脩塗謂脩自宮至廟之道塗也几筵謂祝筵几于室中東面也

饋獻牲體也薦進黍稷也告祝謂尸命祝以嘏于主人曰皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之如或歆饗其祀然也

物取而皆祭之如或

嘗之

物取每物皆取也謂祝命授祭尸取菹捩于醢祭于豆間佐食取黍稷肺授尸尸祭之又取肝捩于

鹽振祭齊之是也如或嘗之謂以尸啐齊之如神之親嘗然也

母利舉爵

當云無舉利爵即上文云

利爵之不醢也

主人有尊如或觴之

謂主人設尊酌以獻尸尸飲之如神飲其觴然也

賓出主人拜送反易服即位而哭如或去之

此雜說喪祭也易服

易祭服反喪服也賓出祭事畢即位而哭如神之去然也

哀夫敬夫事死如事生事

亡如事存狀乎無形影然而成文

狀類也言祭祀不見鬼神有類乎無形影

者然而足以成人道之節文也



荀子卷十三